

宋

會

要

宋會要集議

國初典禮之事當集議者皆先下詔都省吏以告當議之官悉集都堂設左右丞座於堂之東北南向御史中丞於堂之西北南向尚書侍郎於堂之東廂西向兩省侍郎常侍給事諫舍於堂之西廂東向知名表郎官於堂之東南北向監議御史於堂之西南北向又設左右司郎中員外左右丞之後三院御史於中丞之後郎中員外於尚書侍郎之後起居司諫正言於諫舍之後如有僕射御史大夫即座於左右丞中丞之前如更集它官即諸司三品於侍郎之南東宮一品於尚書之前武班二品於諫舍之南皆重行異位卑者先就席左右丞

升廳省史抗聲揖羣官就座知名表郎官以所議事授
所司捧詣左右丞當以判部左右丞執卷展讀訖授中
丞中丞授於尚書侍郎以次讀訖復授知名表郎官食
將畢左右丞捧筆叩頭揖羣官以一幅書所議事節書
字其下授於四座監議御史命史告所見不同者請
不書字以官高者為表首如止集本省官座如常儀其
知名表郎官監議御史座仍北向僕射已上得乘馬至
都堂他官雖同中書門下平章事止屏外 太宗太平
興國七年四月七日以兵部尚書盧多遜事中正雜
治之仍詔文武常參官集議於都堂太子太師王溥等
士十四人參議曰引進使梁迥奉傳詔旨以盧多遜與

秦王廷美結構姦謀情狀顯露比今鞠劾多遜具伏者
臣等今詳盧多遜自言累遣堂吏趙白以中書機事密
告秦王廷美去年九月中又令趙白言於廷美云願宮
車早萬歲盡心事大王廷美又遣涓人樊德明報多遜
曰丞相言正會我意亦願宮車早晏駕又多遜嘗受秦
王廷美私遺弓矢等事臣等謹按兵部尚書盧多遜身
處宰司心懷顧望潛遣親吏交結藩王通達語言呪詛
君父大逆不道干紀亂常上負國恩下虧臣節宜行誅
滅以正刑章其盧多遜伏請削在身官爵准法誅斬按
賊盜律謀反大逆父子年十六已上皆絞十五已下及
母女妻妾子妻妾祖孫兄弟姊妹部曲資財田宅並沒

入官男年八十及篤疾婦人年六十及廢疾者並免伯叔父兄弟之子官流三千里不限籍之同異其秦王廷美伏請並同盧多遜處分中書吏趙白廷美涓人樊德明並請處斬臣等謹具議定以聞詔盧多遜在身官爵及三代封贈妻子官封並宜削奪追毀一家親戚並配隸崖州充長流百姓終身禁錮縱更大赦不在量移之限其朞周已上親並配隸邊遠州郡禁錮部曲奴婢並縱之餘依百官所議施行八年五月十一日御史知雜事中正以鞠威塞軍節度判潁州曹翰私市弓弩槍劍長矛甲鎧具裝不以聞又於部內發民築烽臺諸縣有寇盜令舉烽火以應城中擅補置牙吏官賣並所得

錢銀民歲輸官綿及輸租並取其餘羨判官山玄羽掌
官酒歲所賣麴又取其羨利錢五百萬絹百疋獄具來
上法當死帝重難其事詔百官集議工部尚書李昉等
奏議曰謹案曹翰身備將壇職當郡寄而不守法度擅
賦閭閻盜取官錢隳荼國法設烽燧於部內搖編戶之
心藏刀劍於私家僭尚方之制不法不道黷亂紀綱請
如有司所定寘于極典臣等謹議定以聞帝以其勞舊
未忍寘于法故止削奪官爵登州禁錮 真宗咸平元
年九月二日詔尚書省集文武常叅官議戶部尚書張
齊賢監察御史王濟玄陳刪定編敕利害十月十一日
齊賢言前與王濟互執刑名准詔集百官議定今臣在

中書願寢其事許之。初齊賢與濟同刪定編勅齊賢以小民犯盜者衆欲寬其賊冀多全宥濟以為寬則犯者益衆以死懼之尚不畏況緩其死乎濟強抗詞氣甚厲目齊賢為腐儒不知適時之要遂下都省詳議並劾濟齊賢既知政事不欲與庶僚校曲直帝忻然嘉納齊賢免劾。大中祥符元年九月十三日太子詹事判刑部慎從吉與刑部尚書溫仲舒等互陳試審刑詳議官彭愈等刑名通粗詔問狀仲舒引礼部侍郎魏庠試慎錯通粗為比乃詔吏部尚書張齊賢百官議於朝堂且言錯等有不中程者直史館張復知礼部名表避事不草議狀殿中丞丘雍代為之詔罰復全以懲之。仁宗明

道二年七月五日殿中侍御史段少連言國家每有體大之事必集群官議於尚書省臣近准臺牒充監議官於尚書省集官同礼官詳定莊獻明肅莊懿太后祔廟事伏見尚書省官内有帶兩制職或兼三司副使者多移牒不赴欲望自今每尚書省議事其兩制以上帶尚書省并任三司副使者並不得託以他事不赴集議如有違犯乞以違制及不恭定罪從之景祐四年三月二十三日集賢校理兼宗正丞趙良規言伏見都省集官議謚近制應本省官議學士知制誥待制三司使副使者並令赴議其曰帶職官入省者或在本官之次或在本曹之上著位外元有乖舊制謹按國朝故事及今

勅儀制則別有學士知制誥待制三司副使著位視品
即與前朝制度不同固無在朝叙職入省叙官之理今
若全不論職假有工禮部侍郎兼學士者使不在帶職
兵部侍郎之下又如中行後行郎官兼學士在朝立丞
郎之上入省綴駕庫之次知制誥待制入朝與六侍郎
同待入省郎分在郎官之下如員外郎任三司副使郎
中充判官者在三司為參佐入省却在其上又如員外
郎兼學士郎中兼舍人待制在兩制自分職次入省亦
却在其上即各綴本官班於理未便所以舊來議事除
別詔三省悉集則中書舍人知制誥與常侍給諫至左
右正言皆赴若內朝官悉集則學士待制三司使副使

皆赴若更集他官則諸司三品武官二品各在本司長
官之次若止是集尚書省官其帶職者並合不赴又按
天聖編敕學士知制誥待制三司副使正官未至五品
並同五品官例今若各級本官班則是與編敕不同又
按雜坐圖學士在兩省侍郎之下尚書丞郎之上中書
舍人知制誥待制在留後之下秘書監之上三司副使
右少卿監之上今若復綴本官班顯亦有違令文又按
閣門儀制大宴學士座殿上與僕射同行知制誥亦座
殿上與尚書丞郎同行若曲宴則三司副使預坐即在
知制誥之後重行異位其三司副使又准咸平六年勅
品與諸司少卿監同而班其上豈有親奉至尊於殿庭

列座其禮如此暫入都省便却降損著位外元於理未
順又按故事尚書省官帶知制誥者並中書省奏班簿
即於尚書省御史臺並不著籍故有絕曹之語今若復
綴本官班亦是有紊典故又伏見國朝以來凡定學士
舍人兩省以上著位除先後入外若有升降皆是特稟
朝旨方定著位豈有在朝之省迭為上下況省中會議
皆左曹在右曹之上今來升降弗倫典故無據又伏見
郎中員外兼侍御史起居舍人及任裏行者皆稱臺官
不赴都省議事臣詳上件官並是本官兼任臺省即是
與帶知制誥待制等事體無異豈有兼領若一赴集有
異又按唐朝故事翰林學士有不知制誥者並無別占

歷著位只是與今來直館事體一般若國朝學士知制誥待制則顯有著位與唐朝不同其侍讀侍講龍圖閣樞密等學士及三司副使即是國朝新制唐朝三司者自尚書省之職自後唐別置使額今來顯是不同望委中書門下參酌舊規詳加審定自今除集三省官議事即依舊外若只是本省議事其學士知制誥待制三司使副使並依前項典故不更赴議庶使品位有序典故無違詔御史臺與太常禮院詳定太常禮院言臣等竊推禮意旁按國經且載有司咸著成式由議者之未悉故疑論之互興自非鋪陳奚能折衷今列唐制及國朝近例如左按唐李肇翰林志凡學士無定員皆兼他官

充下自校書上至諸曹尚書皆得為之既入院與班行絕迹亦不拘本司不繫常參守官三周為滿歲則遷知制誥韋執誼翰林院舊事翰林學士自建置以來秩序未立庭觀之際各趨本列洎興元元年始有別勅令朝服班序與諸司官知制誥例同唐會要太中初勅翰林學士自今以後至郎中令知制誥其餘並依本官月限及准外制例處分五代史職官志天成初勅今後翰林學士八院並以先後為定唯承旨一員出自朕意不計官資先後在學士之上國朝天聖編勅學士知制誥龍圖閣待制三司副使官未至五品者並同五品官例附儀制令勅翰林學士侍讀侍講學士龍圖閣學士樞密直學

士龍圖閣直學士並在丞郎之上龍圖閣待制在知制

誥下三司三部副使在少卿監之上大中祥符五年五

月

勅太常禮院奏准勅新授僕射於都省上事

御史臺其儀制同

日僕射尚書丞郎郎中員外三司使副使學士兩省御

史臺文武諸司常叅官並集省内幕次以俟僕射自正

衙退將至都堂門外下馬

士事後乘馬出入並於都堂所

朝堂差人着

公衫前導諸行尚書丞郎郎中員外並於都堂門內分

左右立班迎候

見帶內職及知制誥並不迎班

俟僕射判案訖知班

引贊官報班定禮生贊三司使前賀又贊學士前賀次

贊兩省待制次贊三司副使前賀訖左右僕射降階就

褥位南向立引贊官通文武兩班相生言揖訖班首出

行致詞

以中丞充閣學士
內取官高者充班首

此六事自唐至國朝翰林

學士知制誥待制三司副使與本官絕曹不在南省官

之例 乾德三年十二月以大理寺尹拙等奏稱婦人

為夫家父母喪紀不定詔尚書都省集翰林學士三省

官及御史臺官等詳定喪紀年限聞奏 太平興國七

年以知開封府李符法官查陶等狀令尚書都省集翰

林學士三省官御史臺官議定是非聞奏 雍熙三年

三月南雄州司理參軍劉鼎等坐違制掠囚本州以勅

與赦同日到上請下尚書都省集本省官及翰林學士

兩省御史臺官會議 咸平元年三月太常禮院李宗

訥等奏請事件令尚書省集三省御史臺官翰林學士

同檢討典故詳議可否聞奏 五年五月知泉州褚德
臻等言盜官銀處法不定下其狀尚書都省集翰林學
士本省四品以上官兩省五品以上官御史中丞知雜
御史定議以聞此五事皆三省及翰林學士御史臺同
議若詔語內不特言其官則不赴 乾德二年二月敕
應内外文武職官儀制等宜令尚書省集臺官翰林學
士秘書監國子司業太常博士等詳議 開寶九年十
一月敕太子太師王傳等奏中書劄子諸道藩侯在京
早要迎授恩命其百官服式令文武班班首及學士舍
人同共詳酌 淳化三年十二月許王元僖薨時將南
郊在王喪戚之內太宗疑之命宰臣於中書省尚書丞

郎翰林學士中書舍人御史臺禮官學官等詳議可否
咸平元年六月太常禮院議每遇大祭之日太祖與
太宗昭穆同位皇帝自稱曰孝子嗣皇帝敕都省集兩
制并尚書省四品以上官同參議 大中祥符元年七
月為凡宮貴神於封祀壇不合用玉詔定吏部尚書張
齊賢刑部尚書溫仲舒集兩省給事舍人以上同議定
此五事則詔旨臨時指定其官雖多少不同然常別標
翰林學士與知誥官明知兩制待制不係兩省官至道
二年六月勅太常禮院奏太宗皇帝祔廟有淑德皇后
符氏未審以何后祔饗配食勅尚書都省員外郎以上
諸司四品以上官集議又其年八月勅尚書都省集翰

林學士兩省御史臺知雜以上南省員外郎以上諸司
四品以上并判官院官詳定 景德元年七月太常礼
院奏請以懿德皇后明德皇后同祔太宗皇帝室以先
後次之勅尚書省集翰林學士兩省御史臺官尚書省
六品以上諸司四品以上同議定此二事則三省及翰
林學士御史臺及諸司四品以上並集明不因詔旨則
尚書都省止循常例集本省官議事建隆元年正月兵
部尚書張昭等奏建立廟恐未合礼例集文武百官於
尚書省定議此事止言百官則知兩省并學士等亦不
赴建隆三年三月詔尚書省集議徒流笞杖用常杖制
此事止令本省尚書丞郎郎中員外同議兩制及帶職

明皆不赴唐六典凡議謚之法太常寺擬訖考功於都
堂集省內官議定然後奏聞此事自唐以來凡議謚止
集本省尚書至員外郎不集兩省官及翰林學士之明
據也臣等謹詳會議之文由來非一或出朝廷別旨或
徇官司舊規故言集本省者即南省官也集學士兩省
臺官者容有內制給舍中丞之類也集學士臺省及諸
司四品以上者容有卿監之類也集文武百官者容有
諸衛之流故謀事有大小則集官有等威率繫詔文乃
該餘職昨緣段少連以太常易名考功覆議誤謂群司
普當會席列為具奏嬰以嚴科遂使位叙頓差憲章交
戾而趙良規援求故寔采獲輿言事悉而可求理當而

難奪然前之建白非是蓋或失俾後之辨正可稽無容
憚改臣等參議欲乞自今以後每有臣僚擬謚止令南
省官詳定其帶兩制并待制省副雜端職任郎中員外
更不赴會或事體大臨時敕判兼召三省臺寺即並依
國朝舊例施行御史臺別奏曰有詳趙良規起請及檢
會尚書都省自宋朝廷降勅議事或集尚書省五品以
上及知雜御史者或兩制兩省五品以上尚書省五品
以上御史臺知雜以上者或翰林學士丞郎大兩省御
史臺知雜以上或翰林學士兩省官御史臺官員外郎
以上者或兩制兩省四品以上并御史臺官者或
知制誥以上并兩省侍郎以上者或兩制并秘閣三館

官者或翰林學士本省五品已上兩省官知制誥以上
御史知雜以上者或尚書省官與太常禮院官者或百
官者若以翰林冠侍從之先西垣掌書之命重待制參
內閣之序計庭領邦賦之繁班朝則與衆絕曹入省則
叙官為次朝省異位誠如良規之言然古人創議稽於
本不稽於末公朝立法期於遠不期於近且中臺設官
其來尚矣故書稱龍作納言詩載山甫出納王命寔周
官之司會法文昌之六星所以宣導政令總領紀綱居
萬事之元作百官之本秦漢而下臺閣增峻首之以令
僕次之以尚書丞轄又次之以侍郎郎中員外列為六
曹析為二十四司位有著定職有統維歷祀寢深尋原

不奈皇朝凝命立極垂八十年振起前規正在今日如
曰未暇則其舊事之體固可存而勿失今良規以謂固
無在朝叙職入省叙官之理復云中行後行員外郎兼
學士在朝立丞郎之上人今之正言掌誥立班於待制
諫議大夫之間則是用在朝叙職之說若叙職惟允則
都省叙官不誣矣又云若只是集尚書省官故帶職者
不赴夫惟議事以制是將建中於民必在酌典刑之端
參礼法之變所期清要之器識以資折衷之討論豈可
不副朝廷慎重之意輕易臺省諮詢之體哉而又引雜
座圖閣門儀制此並非都堂序本省官儀也至於稱尚
書省官任外制者不著臺省之籍故有絕曹之語而以

為重則今尚書省官任內制者並係臺省之籍寧有座
曹之實而可謂輕乎然則論職官之言正為絕曹者設
豈有受祿則繫官為俸議事則絕曹為辭況列聖累朝
名臣間出若王旦王化基趙安仁晁迥杜鎬楊億親嘗
預議於倉卒無變古之論故相李昉為主客郎中掌誥
曰屢經都督議事與故散騎常侍徐鉉言江南議事與
此畧同則其談評固可采據又議大事僕射御史大夫
入省唯僕射至廳下馬于今行之益所以重名器而守
品位也故都堂會議書狀以品就座以官亦已久矣忽
此更張恐非通理今與衆官詳定都省今後祇准勅命
令集在省衆官會議者自知雜御史三司副使以上且

係南官官別帶兼官及帶職者並令依議預議所有殿
中侍御史段少連起請今後每遇議事其帶職尚書省
官不赴集者以違制及不恭定罪竊以議事必有大小
致罰須分重輕欲乞自今合赴集議之官而輒不赴者
如議國家典禮即從違制施行若議常程小事止依律
處分又直學士院同知太常禮院吳育奏竊以趙良規
所請合臺閣定議是非不同一則曰太省叙官一則曰
絕班不赴各持所見互據所長若但務引細文拘牽未
制皆未足以斷朝廷之大體作為彛章是必稽合人情
講求通誼以輕重本末折衷而言之臣以謂若從本省
叙官之誼有不可者二大凡國家自朝廷而制臺省自

臺省而制郡縣上下有次輕重有倫至上莫若君父之前至重莫若朝廷之內上可以統下重可以臨輕舉重則不可以輕者干舉止則不可以下者紊夫尚書省雖制度雄大亦天子之有司官繫其中謂之本省相會須存朝廷豈有君父之前朝廷之內班列殊隔一人省司輒易尊卑而云在朝叙職入省叙官則是以一體為一家以朝省為彼我上下異貫輕重不倫求之古先出何經義此其不可一也官職之名本非二體官正其號職供其事名實相繫豈有殊途只如庖人是官供庖是職祝人是官致祝是職以何隔絕分官職為兩事蓋自唐室以來臨事雜置遂有別帶職事之名厥後因循未歸

本務必欲振復則當一槩更張若即今而言須以隸名為輕供職為重儻云人朝叙職入省叙官則是官職相離遂有限絕推之於古益秦源流此其不可者二也若從絕班不赴之議有不可者三古者尚書為天下綱轄喉舌之地萬事所本巨細由之二十四司各有臭品悉歸慎擇未嘗輕授皆用器識詳通之士以充其選蓋國有謀議取決其中今則不然推以叙遷而至其間拔擢英異又多歸待從之列若議論之際皆以絕班可以不赴本省只如翰林學士亦知制誥又却不絕班簿此皆因循之制參差不倫未可取為確據勅文中亦有連稱相務要分明致臨時文字重為縱絕班有例而絕官無即不是待立綱條可為執者也

聞謹按唐六典中書舍人以他官兼者謂之兼制詔故白居易草楊嗣復授庫部郎中知制誥辭云前代制誥中書令侍郎舍人通掌之國朝以來或以他官兼領又授元稹中書舍人辭云元稹自祠曹員外試短制誥謂兼則豈絕本官謂之試則明不正職在胥章灼不疑之事也今縱有明文其官省若遇詳定猶當以體追而正之況無明文但引因循參差之事為據此其不可二也今兩制遷改其告身命辭必舉本省曹之務為之訓諭凡授一勅牒則下至府寺冗局猶供其職豈有一人命官三省連書而都無所繫盡是空言止為俸錢徒加官號命官之理其若是乎惟兩府大臣既為宰執明不可

更親有司之事況其俸祿亦不繫其官自餘臣僚豈得

援此

若二司公事本自尚書省又分何謂乎

凡搢紳遷次

所主者官名俸給盡從本省居常既不復止會議又不

一來則是自絕其官帶之何謂仲尼不去甗羊粗存告

朔之礼若并羊一去寄礼無地則臺省之制自此益墮

縱以絕班皆不可赴若有詔兩制臺省百司畢會則座

次又如何為定此其不可三也此皆舉其大端決有不

可臣伏謂是非之議至當歸一若又廣為採撫適足為

煩今於國朝典故中取一最切最明之事足以質定准

大中祥符五年五月勅新授僕射於都省上事

御史臺儀制同

其日僕射尚書丞郎郎中員外三司使副使學士兩省

御史臺文武諸司常參官並集省內幕次以俟僕射自

正衙退將至都省堂門外下馬

上事後乘馬出

朝堂差

人着公衫前導諸行尚書丞郎郎中員外並於都堂門

內分左右立班迎候

見帶內職及知制誥並不近班

俟僕射判案訖知

班引贊官報班定礼生贊三司使前賀又贊學士前賀

次贊兩省行制次贊三司副使前賀訖請僕射降階就

褥位南向立引贊官通文武兩班礼生言揖揖訖班首

出行致詞

以中丞光閣即於文武武次內取高官書充班首

此則雖赴本省自有

甄明之例也臣竊詳前來兩奏各有未安須至折衷古

今斷以大體用朝廷為重取著定為常臣子之心雖在

本司如勘君父則所存者大所處者安臣愚欲乞今後

凡尚書省會議如只集本省官則帶職者並赴唯其坐
次則當甄明須依朝中兩制班列別作一行列座行綴
自異亦非相壓春秋之義王人雖賤必叙乎諸侯之上
所以尊王命而廣臣恭也今兩制為侍從近密之職皆
是朝廷拔擢寵任以待殊才既王命之所旌亦臣子之
當奉雖在本省禮合表異况又自分行殊不相妨壓亦
如僕射上事之儀凡帶絕班之官並赴而別頭替引不
與本省官同在迎班顯合本朝之典章亦非今日之臆
斷若有詔兩制臺省諸司諸衛官畢會則各從其類自
作一行其書議亦各如其座次而列如此則班聯區別
事體詳明臺省之官自分朝廷之議有定時宜既合人

情亦安若遇國家盡復正官各從本務則不假復議自有尋倫臣忝備官司合以愚見所安者上對可否之斷繫之朝廷詔曰自今後尚書省議事應帶職官三司副使並不赴如遇集議大事臨時指揮令赴者即別設座次其明道二年七月一日勅命更不行用以諸議所執不同故用所宜而慶歷三年五月二十三日詔自今兩制官詳定公降詔慶歷三年五月二十三日詔自今兩制官詳定公事大事限一月小事半月其急速者勿拘五年十一月二十日樞密院請自今進退管軍臣僚極邊長吏路分兵馬鈐轄以上並與宰臣同議從之七年五月二十七日詔西北邊有大事自今令中書樞密院召兩制以上同議之皇祐元年正月二十一日御史中丞張

觀言諸處起請文字中書樞密院批狀下兩制令與御史臺同共詳定學士院告報議事月日承例御史臺官盡赴學士院連書聞奏竊緣御史臺官務在彈奏朝廷班序座位不同蓋古者使異其局專其職欲乞今後免同兩制議事從之 嘉祐四年六月四日觀文殿學士兼侍讀學士禮部尚書王舉正言朝廷每有送兩制詳定事亦須臣預議念臣常參重任乞今後免預從之 八月二十五日翰林學士承旨孫朴等言准詔送下翰林學士王絳奏欲望慎擇名臣討論有唐官制參考本朝官職品秩事任量加裁定正其名體令兩制詳定乞依絳所請差官三兩員置局詳定官制為一代典章垂

之無窮詔差翰林學士胡宿知制誥劉敞同詳定聞奏

事見前
服篇

英宗治平三年正月二十七日詔罷尚書省

集議濮安懿王與初中書門下奏請議濮安懿王及三夫人合行典禮下禮官及待制以上議皆以為宜准先朝封贈恭親尊屬故事中書復請下尚書省御史臺官議而皇太后以手書詔執政於是罷議神宗元豐六年六月四日詔集議大典禮令秘書省長貳與哲宗元祐五年八月二十八日中書省言臣僚上言奉詔皇帝尚虛中壺今太常禮官參考古今典故著為成式竊見近歲議太皇太后皇太后皇太妃寶冊冠服儀衛等事皆令翰林學士兩省給舍與禮官同議今皇帝婚禮

其事甚重請令翰林學士已下共議詔翰林學士御史
中丞兩省舍與礼部太常寺官同共詳議六年七月八
日宰臣吕大防等言納后儀注昨制礼官集議各具所
見皆有典據今日恐難盡行臣等尋已參酌修定進入
太皇太后曰前議已曾省覽其間有可行者有不可行
者蓋取其便於近事不必泥古昔也太防等曰誠如聖
諭欲望明示可否八月八日三省樞密院言議到納后
六礼詳見冊后門欽宗靖康元年十一月七日詔朕曲意議
和而金人必欲得三鎮與之及不與之反不與其利害
各如何朕當從衆而行不敢自任令百官以明日於尚
書省集議以聞宰執親戚不預若割三鎮或不割各如

何保無後患割之而來不割而來各如何備禦擇衆議
是者行之八日集百官議三鎮于延和殿各給筆札文
武分列廊廡凡百餘人惟梅執礼孫傳吕好問洪芻秦
檜陳材等三十六人言不可與自范宗尹以下七十人
皆欲與之不與者曰朝廷經三世得河東陵寢在焉河
北天下之四支四支苟去吾不知其為人人民貢賦皆
其末也況天下者太祖之天下非陛下之天下石敬瑭
故事豈可遵乎與者曰朝廷嘗許三鎮今反不與是中
國失信於夷狄若姑且與之縱復猖獗則人怨神怒師
出無名可不戰而屈也宗尹言最切至伏地流涕乞予
之紓禍已而黃門持宗尹章疏示衆曰朝廷已有定議

不得異論會李若水歸自粘罕所慟哭于庭必欲從其
議何臬謂若水曰三鎮之地割之則傷河外之情不割
則太原真定已失矣不若任之但飭守備以固其勢維
持執礼建清野尋召孫傳及執礼對議遂定 高宗建
炎四年五月二十日詔侍從臺諫官並赴都堂議事殿
中侍御史沈求言光為患脚氣在假趣赴不及臣有本
職欲乞上殿敷奏訖赴都堂稟議從之 六月四日臣
僚言比年以來每至防秋未嘗不蒙召集群臣咨以計
畫紛紛訖無定論况事有幾微難於遍曉而又積粟聚
財屯兵拒守事節至繁皆不可以立談判頃刻聚議未
必精詳欲望特下今來所議者宜許令侍從臺諫等各

以所見降畫直說利害限三日寔封投進詔依已降指揮赴都堂聚議如有未盡事件令條畫寔封聞奏紹興三年四月十五日御史臺言考功報本臺除礼官外監察御史以上官並合赴今月十五日尚書省集議隆祐皇太后改謚今檢准本臺令諸尚書省集議輪御史一員監告而不赴及不委議意而書者並彈奏有異議者聽具狀論列今來集議全臺官未委合與不合起赴詔依御史臺令施行 七年二月九日新除太常少卿吳表臣等言今集議道君太上皇帝寧德皇后謚號除礼部太常寺官依礼例合赴外所有集議日分并合令甚官以上起赴乞指揮施行詔監察御史以上起赴

八月二十九日詔比令侍從官詳議徽宗皇帝祔廟配享功臣而刑部尚書胡交修等請以故光祿大夫尚書右僕射兼門下侍郎贈太師魏國公謚文定傅忠彥配享議狀來上緣有在假差出及新除到官未經詳議可令一就詳議聞奏 紹興三十年年六月二十日孝宗即位未改詔有可集議太上皇帝太上皇后合上尊號續禮部太常寺言用今月二十二日宰執侍從臺諫兩省官禮官於尚書省集議從之至是尚書左僕射陳康伯知樞密院事葉義問叅知政事汪轍同知樞密院事黃祖舜翰林學士洪遵尚書禮部侍郎黃中中書舍人史浩敷文閣待制知臨安府趙子滿敷文閣待制樞密都承

晉徐嘉權尚書戶部侍郎吳芾權尚書禮部侍郎呂廣
問權尚書兵部侍郎陳俊卿權尚書刑部侍郎路彬權
尚書工部侍郎許尹權尚書工部侍郎張闡太常少卿
王普尚書禮部員外郎劉儀鳳太常寺吳龜年太常博
士林栗太常博士楊民望太常寺主簿嚴杭奏臣等竊
惟至德之世如容成大庭赫胥皆洪荒杳邈莫得而詳
自詩書所載其甚盛者必曰堯舜迹其所以致之之效
能以天下遜考之於古皆以耄期而倦勤天下後世猶
為美談恭惟太上皇帝撥亂反正身濟大業中興之功
煌煌乎不可掩已方時教寧國威復振上之五緯循度
下而百歲登衍大功崇成退却不居以春秋鼎盛之年

脫屣萬乘執糠唐虞古今一人而已夫五帝之壽唯堯
最高百王之聖唯堯獨冠今茲高世之舉視堯有光謂
宜以光堯壽聖為號庶幾揚鴻烈而章緝熙仰副大上
皇帝巍巍甚盛之德恭請上太上皇帝尊號曰光堯壽
聖太上皇帝太上皇后尊號曰壽聖太上皇后臣等謹
議二十三日有旨恭依令學士院降詔太上皇帝宜恭
上尊號曰光堯壽聖太上皇帝太上皇后宜恭上尊號
曰壽聖太上皇后仍令禮部太常寺疾速討論禮儀條
具中尚書省取旨孝宗隆興二年十一月二十一日詔
方今多事理宜博謀侍從兩省官每日一到都堂遇合
關臺諫者亦許會議 乾道三年七月一日禮部太常

寺言勘會國朝園陵故事尚書省集官擬謚係今侍從
臺諫以上并礼官集謚六曹郎官以上書謚所有今來
大行皇后集謚欲依上件故事施行乞降下集謚日分
施行詔用七月七日

議文見
本皇后

五年四月十三日詔工部

侍郎薛良朋長到集議等指揮多與祖宗舊法相戾令
吏部長貳看詳將上取旨編入新勅 九月十一日太

常少卿兼皇子慶王府宣講林栗太常丞兼權倉部郎
官陳損太常博士龔滂太常寺主簿馮仲夷劉子契勘
今歲孟冬祫饗在近所有欽宗皇帝廟庭配饗臣僚尚
虛其位欲望特降明詔令侍從臺集謚以聞起十月三
日祫享以前降付有司施行詔依

議文見
功臣門

六年十一

月十一日禮部太常寺言已降指揮大禮慶成光堯壽
聖太上皇帝壽聖太上皇后合加上尊號可令有司集
議以聞今檢照紹興三十二年奉上光堯壽聖太上皇
帝壽聖太上皇后尊號冊寶禮例朝廷定日劄下禮部
太常寺是日宰執侍從臺諫兩省官禮官於尚書省集
議今來欲乞依上件禮例施行詔依仍用今月十三日
詳見冊淳熙三年六月一日詔凡集議當在尚書省御
史臺比聞侍從兩省並就殿中侍御史家殊為失禮可
以朕旨諭之門曰議安南國王李天祚子龍翰承四年
七月十九日詔集議除朝廷合就尚書省外六曹就吏
部尚書廳侍從兩省官就後省如臺諫預議即就御史

臺監御史齊慶甫論繁冗虛偽等事有旨令侍八年

五月四日兵部侍郎為輝言集議多惟彊有力者是從

不若令各為議狀如論科舉則禮部祕書省國子監官

皆預之類上曰如此則廢集議矣趙雄等曰輝所論乃

漢所謂雜議也恐亦可從上曰今後遇事旋降指揮

十二年九月十一日詔太上皇帝聖壽無彊來歲八十

邦家大慶載籍未聞可令有司論討典禮來上既而禮

部太常寺言今檢照淳熙二年加上尊號及慶壽典禮

朝廷定日劄下禮部太常寺是日宰執侍從臺諫兩省

官禮官於尚書省集議今來欲乞依上件禮例施行詔

依仍用今月十三日詳見冊尊號十四年十月十三

日詔令侍從臺諫禮官議金國賀會慶節使人入見既而吏部尚書蒲燧兵部尚書宇文价翰林學士洪邁權刑部尚書葛邲權工部尚書韓彥質戶部侍郎葉燾刑部侍郎劉國瑞給事中王信中書舍人陳居仁李燾右諫議大夫謝諤權吏部侍郎章森權戶部侍郎張杓權禮部侍郎顏師魯太常少卿尤袤起居舍人胡晉臣禮部郎中鄭僑殿中侍御史冷世光監察御史吳博古太常丞喻良能太常博士黃黼言目今車馬見留德壽宮喪次百官免上壽恐難以引見人使如人使必欲朝見乞用明道故事小祥兩日後於二十三日只就德壽宮素幄引見庶合典故從之十五年三月十七日詔令

侍從臺諫禮官詳議 高宗聖神武文憲孝皇帝祔廟
配饗功臣既而兵部尚書宇文价翰林學士洪邁權刑
部尚書葛邲權工部尚書韓彥質戶部侍郎葉翥刑部
侍郎劉國瑞給事中王信中書舍人陳居仁李嶸右諫
議大夫謝諤敷文閣待制提舉佑神觀吳琚權吏部侍
郎章森權兵部侍郎林栗起居舍人鄭僑議以故大師
秦國公謚忠穆呂頤浩特進觀文殿大學士謚忠簡趙
鼎太師蘄王謚忠武韓世忠太師循王謚忠烈張俊配
饗從之四月十六日太常少卿尤袤等言竊考 祖宗
典故既祔廟然後議配饗必必先有廟而後有從祀之
臣亦必詔禮官參議務盡衆言獨嘉祐八年議以王曾

呂夷簡配食 仁宗乃在山陵之前然亦必先降詔旨
下兩制定議當用何人而王珪等始以王曾等姓名上
之元祐元年裕陵復土已七閱月有司始援典故乞自
兩制以上及太常寺祕書省長貳同議配饗又兩月而
吏部尚書孫永等始以富弼應詔蓋宗廟至重必嚴其
事也今來高宗猶未祔廟所議配饗少遲旬月固未為
晚乃忽定於靈駕發引一日之先事出倉皇衆以為疑
仰惟高宗皇帝受命中興一時將相依乘風雲勒功帝
籍不出數人自有公論為之子孫皆以祖考得預為榮
儻不按典故不集衆論則無以厭服其佗勲臣子孫之
心消弭衆多之心而祖宗集議典禮將恐遂廢臣等備

員礼官誠見議論紛紛以定配為速以不集議為疑既有前件典故僅不條陳是為失職乞候升祔礼畢別擇日下侍從兩省臺諫礼官及祕書省集議施行小貼子稱竊惟配食清廟係大典礼付之衆人則議論自公遲以歲月則名實自定公則人無異辭定則萬世不變今宜反覆熟議以盡衆言庶幾得預者無愧不預者無辭勘會宇文价葛邲葉翥劉國瑞王信陳居仁李燾謝諤吳琚章森林栗鄭僑各以集議及韓彥質妨嫌外詔未集議侍從兩省臺諫及太常寺祕書省依典礼詳議聞奏二十四日臣僚言配饗之議已有一定之論見於施行今忽降指揮再令詳議則二三之論又將紛紜而起

甲可乙否重感朝聽詔更不再集議

宋會要

彈劾

國朝儀制百官起居文班失儀右巡使彈奏武班失儀左巡使彈奏左右巡使失儀即互相彈奏如雨不彈則閣門使彈奏閣門使不彈奏則宣徽使彈奏見辭謝及通事舍人祇應失儀並閣門使彈奏閣門使不彈奏及自失儀則宣徽使彈奏長春殿起居如有墜笏失儀者除軍校不問餘並贊拜內侍報閣門依例施行若羣官交雜品位不依次序回班將出却顧軒墀執笏不端接武紛亂者並左右巡使彈奏出入使門語笑及不端笏並閣門宣徽使以次彈奏太宗太平興國五年九月五日詔曰表著之設蓋有等威闕庭之儀所務恭肅方

屬承平之始宜申沿革之規應文武百官自今宜令有
司編行布告凡遇朝會皆務恭虔每內殿起居日即須
蹀踏入門雍容就列稍涉不謹便同失儀此外朝堂素
有典奕憲臺並須振舉恪居官次稱朕意焉淳化二年
七月十三日詔自今內庭起居日或班內有官失儀本
巡使于彈奏位先兩拜奏云班內有官失儀臣請出門
外勘當聞奏如供奉班內有官失儀即奏請付所司宣
徹使殿上承旨宣所奏又兩拜却歸本位對揖退 三
年正月詔有司復舉十五條一朝堂行私禮二跪拜三
待漏行立失序四談笑誼譁五入衙門執笏不端六行
步遲緩七至班列行立不正八趨拜失儀九語言微喧

十年征十一仗出閣門不即就班十二無故離位十三
廊下食行坐失儀語誼十四入朝及退朝不從正衙門
出入十五非公事入中書犯者罰一月俸有司振舉拒
不伏首錄奏乞行貶降 四年六月十二日御史臺言
文武官在京監管庶務並免常參外其內殿起居橫行
參假入閣非時廢巾侍譔正冬御殿御樓壽寧節國忌
停香都省朝堂議事城外立班並赴違者望許彈糾以
聞從之 真宗咸平三年七月十二日詔文武常參官
入朝退朝不由正衙門非公事輒入中書委御史臺彈
奏 四年三月二十二日御史中丞趙昌言知雜御史
范正辭言內宴更衣百官有徑歸及過從于外者臣等

已于春宴前殿行戒勵望降敕委外彈奏特行懲戒從
之 閏十二月二十日御史臺言舊例假三日群官並
赴文德殿橫行朝參近日多以內殿起居不赴望中舊
制以肅朝恭儀詔自今並許彈奏 景德二年九月七
日詔自今宴會宜令御史臺預定位次告示各令端肅
不得喧譁違者殿上委大夫中丞朵殿委知雜御史侍
御史廊下委左右巡使察視彈奏內職殿直已上赴起
居入殿庭行私禮者委閤門彈奏軍員令殿前侍衛司
各差都校一人提轄但虧失禮容即送所屬勘斷訖奏
仍令閤門宣徽互相察舉敢蔽匿者糾之 四年九月
詔御史臺左右巡使二員自今每遇內殿起居高者求

邊立彈西面供奉班并武班失儀官低者西邊立彈東
面供奉班并文班失儀或闕巡仗權差官應奉亦依此
例 大中祥符二年八月十二日侍御史知雜事趙湘
言伏見常恭文武官每日趨朝多不整肅請頒條制以
儆之舊制每日早赴待漏院候開內門齊入伏緣逐日
辰時以來放朝以故後時方入望許令知班驅仗官二
人常在正衙殿門管勾有入晚者具名申奏遇風雨寒
暑稍甚即多稱疾請假望自今委御史臺酌度開奏違
醫軫視如顯誑妄即具彈奏從之 四年八月八日詔
今後常朝并起居臣僚七人_已以上不到者具名位聞奏
取裁如旋稱病患請假者即差醫官看驗仍密切覺察

五年十二月七日詔應文武臣僚趨朝立班及崇政殿引見官員使臣今後更有違慢仰閤門御史臺彈奏逐處或不彈奏亦當勘罪重行朝典先是臣僚上言近年趨朝立班以至後殿引對奏事並不端笏行立怠惰御史臺閤門軍頭司畧不振舉望降詔戒約故有是命六年十二月二十三日御史臺言文武常參官失儀凡十六條內十三條緣事有失仍舊為公罪外其語笑喧譁入正衙門執笏不端至班行立不正情涉故違赴宴言語交錯舉動不肅並請坐私罪從之七年八月二十二日閤門言崇政殿引對三班使臣有所祈恩唐突者宣徽院承例劾其罪而諸司未有條約自今唐突者請令所隸官司舉奏不舉奏者聽閤門軍頭司

彈奏從之 天禧二年二月御史臺言近內殿起居右
巡使廖安世彈左巡使王迎執笏不端迎不知被劾復
彈安世拜起失儀本臺謹按故事知彈御史每遇入閣
凡有違失皆是伏下彈奏被彈者越出于朝堂待罪如
知彈御史被彈即俟監奏畢趨出亦待罪于朝堂欲望
目今左右巡使內有失儀被彈者除見他官違失依例
舉行外如元彈奏者有僭犯妄自閤門糾察被彈者不
得復有申舉仍委贊引閤門祇候告示被彈御史知委
從之仁宗天聖元年十月二十八日右巡使監察御史
鞠詠言武班臣僚小可失儀望免彈奏宰臣王欽若奏
詠自授憲官百僚失儀多不彈舉累經罰俸今此陳述

將成廢職詔詠免勛與換舊官小處同判 三年八月

十二日上封者言諸司使副使已下起居多不整肅請

詔閤門告諭內殿起居臣僚自今出入殿門並須端謹

不得喧譁殿庭依班排到視樞密使拜起舞蹈毋得先

後違者閤門使副糾舉從之 九月三日閤門言自來

輪差閤門祇候二人于殿庭覺察失儀臣僚緣並隨班

起居難于伺察今請令宣喝對立者于長春殿先起居

訖卑切覺察奏從之 六年三月二十三日詔宴會座

朝左右侍立臣僚內有不務謹肅語言喧譁當職官司

並不彈舉自今如有上件違犯令宣使閤門御史臺內

侍省都知押班具名位以聞 七年五月詔今後使殿

視事令閤門祇候覺察臣僚失儀依例申舉垂簾日即
差內侍覺察彈奏祇候軍員等不得申報慶應二年
八月二十八日權御史中丞賈昌朝言臣僚起居失儀
請依唐制恭定列為八節分十六事朝廷私禮及跪拜
侍漏行立失序談笑喧譁入衙門執笏不端行立遲慢
至班列行立不正趨拜失儀言語微宣穿班伏出閤門
不即就班無故離位廊下食行坐失儀入朝退朝不從
正衙出入非公事入中書詔從之皇祐元年正月二
十八日詔曰朕聞自古為治靡不以苛察為戒而近歲
風俗爭事傾危獄案滋多上下矜急傷累和氣朕甚悼
焉自今臺諫官非朝廷得失民間利病更不許風聞彈

奏違者坐之 六月二十四日監察御史陳升之等言
比歲臣僚有繳奏交親往還簡尺者朝廷必推究其事
而行之遂使聖時成告訐之俗請自今請求非法自論
如律從之 二年九月十二日詔應選人正衙對敎失
儀令御史臺問門牒報流內銓候責罰訖謝恩 四年
十二月二十二日殿中侍御史俞希孟言日近班列多
不整齊將來元會如有失儀除依例彈奏外或有故違
懈慢者乞從私罪定斷詔今後常恭官故作懈慢及行
立失序不得作常時失儀施行仰具奏裁 五年十月
二十二日左巡使侍御史吳祕言內殿起居百官多不
成行列惟前班稍有次序自餘皆群進族立甚非朝廷

齊肅之禮准太平興國詔中書文武百官每過內殿起居之日須屏氣頓班鞠躬就列班退不得回顧斷蓋後來不見著令及條貫未甚章白臣按唐乾元中勅又如
有朝堂私禮得化中及跪拜待漏行立失序語笑喧譁
入衙入閣執事不端行立遲慢立班不正趨拜失儀言
語微喧穿仗出入閤門無故離位廊下食行坐失儀誼
闕入朝及退朝不從正衙出入非公事入中書等有罰
五代題為十六愆而脩補無取淳化中魚魯舊儀改私
禮二字入衙入閤作衙門又添至班列一科穿班穿仗
出入閤門作穿班仗出為一節閤門不即就班為一事
誼闕作語闕又據令文跪拜去及字餘同後勅慶厯二

年權御史中丞賈昌朝以天聖三年榜示頗依唐詔而
失其句讀以穿班仗出為一事以廊下食為一慝又合
行坐失儀語闕為一句遂依唐制泰定列為八節十六
事以穿班為一節仗出闕門為一節雖甚精詳與古終
異且禮制沿革時代不同至于今文有存而不用之目
豈茲儀範是日行急用之制而須存無用之文徒使朝
士疑而不誠非信實必罰之理宜以今朝言之待漏之
科却居朝堂之後況入衙入闕不宜刪去仗出闕門與
廊下食二節四條今無其事並可存而不用其所闕者
若儀制倦班分東西出不得回頭並不在其間若以不
欲革于舊文則又逐度不同屢經屢易臣今恭酌切于

用者脩而序之以今之行漏宜居衆科之首行立夫序
仍注儀制語矣喧譁請附朝堂之下私禮自魚跪拜不
須重復入衙門依舊作入衙入閣至班列行立不正宜
作至班不成行列無故離位移次至班之科亦可以魚
穿班之義請革穿班作朝退不捲班增回顧一條次之
入朝退朝不從正衙出入作入朝退朝不由正衙定為
六科十三條如違者依例彈奏勘罪或拒過節非即錄
奏貶降詔御史臺太常禮院同詳定既而上言檢會今
文武常參官朝堂儀已係賈昌朝奏依唐制恭定列為
八節分十六事今恭詳吳秘起請條件難為更改從之

嘉祐二年八月二十四日知諫院陳升之言比日內

降營求恩賞者多雖許執奏而有司時有奉行自今請
令中書樞密院推劾以正干請之罪從之 三年十一
月五日陳升之言有司斷獄而事連權倖者多以中旨
釋之自今有干內降而得縱釋者請劾其干請之罪以
違制論從之 英宗治平元年五月八日問門言檢會
儀制兩省常侍給諫舍人侍制中丞三司使副太子三
少尚書丞郎卿監上將軍延福景福宣慶宣昭宣使
樞密都承旨奉儀司當廂賜酒食客省使至閣門副使
本廳就食庶子少卿監大將軍已下閣門祇候已上差
充轉運發運提點刑獄知州軍監通判總管路鈐轄都
同巡檢都監寨主駐伯廼命賜酒食並門賜閣門祇候

伴近來臣僚謝賜酒食訖多是不就閤門欲乞今後合
請賜酒食者並依儀制施行不許不就違者令閤門彈
奏從之 神宗熙寧四年十二月十七日閤門言內殿
起居官數不少向者諫官錢彥遠起請差官察視中間
漸亦廢去今欲乞復差通事舍人看班祇候二人察視
其無故不赴者並令依儀制彈奏分故失定斷如三次
不赴不以故失並勘罪取旨察視之官自取容庇妄閤
門舉劾詔逐日輪差通事舍人看班祇候二人察視
元豐七年二月三日詔外任官乞赴闕奏事如到闕無
所陳其事非不可形于文字者委御史臺彈奏 徽宗
政和七年二月二十一日尚書省言修立到諸人皇城

卷十三 宣和元年

宣和元年

門行馬不依次序控馬人杖一百約欄不止失序之官
仍加一等詔令御史臺覺察彈奏宣和元年正月六
日臣僚上言竊見班列未至齊肅至駕已視朝廣廷唱
喝猶或離位往來不肯定立或切切笑語或跪足以望
或整巾或挽笏比至合班則爭趨前列以便觀看有拜
而不伏者有跪而不俯者其慢易不恭亦已甚矣又見
正月八日明堂受朝頒朔既畢輦御方興班列紛然離
次趨走逼近來與舉首觀望畧無畏避失君臣之儀此
尤甚者臣竊特降睿旨嚴立法禁每朝會之際廣加
稽察如有不如儀必罰無貸詔割付東上閣門同御史臺
稽察置條畫以聞六年二月十三日詔諸節朝謁稱賀宣

麻等稱疾請假不賀者以違制論應不告假不赴之人
御又臺間奏 先是臣條上言切見景靈宮行香託疾
在告已有法禁外諸節朝謁非時稱賀所以尊君父而
奉上真也宣麻以詔臣工願朔以布時政百官皆應祇
赴而在廷之士多不過百餘員畏憚者尚以疾告于臺
至于簡放自若者有不告也慢命不虔無甚于此故降
是詔 十一月二十二日詔文武臣僚朝集皆有虛舍
位序所以正朝廷之容邇來廢禮失度交互譖笑無復
恭肅迨至趨引猶或族設蓋不循分守寢失事體務徇
諂滑之私殊無正直之行可不革歟已降指揮閣門御
史臺覺察彈奏尚慮狃于故常特申戒諭如敢弗率邦

有常刑 高宗建炎四年九月二十一日詔今後應不
以狀赴有司而輒待班處陳述者令御史臺覺察彈奏
紹興十三年正月二日詔今後應殿內失儀臣僚並
令閤門具名彈奏務要整肅不得觀望 九月二十六
日御史臺今後車駕遇大禮朝享行禮並行幸有導駕
官欲乞文武官分左右步騎導本臺量差知立於禁衛
內往來覺察從之 十四年十一月一日御史臺閤門
上管禁衛所言四孟朝獻詣景靈宮行禮及遇車駕行
幸自來閤門差舍人乘騎于扇後覺察臣僚行馬次
序失儀其御史臺閤門係駕前後應奉報引班次人及
沿路三省樞密院諸房行首司密院客省並除依例許

乘馬外其餘不合乘馬官司諸色人不得于駕路往來
乘騎如違御史臺閤門覺察彈劾從之 十八年九月
二十日詔每遇駕出駕前詣司官及駕頭法物等行列
並不依次序可令閤門行下合屬去處今後洞管各依
次序接續擺拽務在整肅如違彈奏閤門失覺察仍令
御史臺奏劾 十月一日詔隨駕諸司并庫務官諸司
法物等自有貼定次序行列如或不依次序反輒有先
往者令閤門彈奏 三十一年四月二十三日臣僚言
天子之出清道而後行十乘出騎稱警言蹕旋頭前
豹尾後殿凡在屬中其往來馳道與夫關出入者皆有
厲禁自六飛時巡務為簡便唯是四孟享獻乘輿躬行

前為駕頭後止曲蓋項背相望僅十百步而爪牙拱扈之士或步或趨錯出離立什什伍伍無復行列至有酌獸未畢已捨而歸士民觀者駕肩接袂雜運虎士之中而不聞有誰何之者望詔有司講求其需凡車駕行幸從駕禁旅每以若干人為一列相去各若干步其乘馬前導者悉豫上其數命有司舉繪為圖先一日以聞別具別本報御史臺有不如令及不在國中而輒冒至者許有司即糾之蔽而不言者令御史臺覺察論其罪從之 孝宗隆興元年六月十二日新恭知政事周葵奏事劄子陸地知閤鄭藻舉奏詔免彈 九月十一日詔宗室居廣起居手帕陸地持與同罪閤門彈奏上曰使

相難順罰故有是命 乾道四年九月二十五日詔今
後文武百官舞蹈不如儀並令闕門彈奏 五年正月
二十三日詔闕門後次臣僚舞蹈不如法令即時彈奏
十一月十七日詔御史臺今後如遇四叅等朝殿臨
時稱疾不赴致班列稀疎並竅寔度奏 臣僚上言恭
惟國家自祖以來用漢儀凡朝會著為定制有大宴有
稱賀有朔望恭有四叅有常朝十官百辟拜舞于堂下
陞高九級若天地之相遠使小大之臣咸懷尊君親上
之誠虔恭端謹固敢怠忽所以為表正之本也詩曰夙
夜匪懈以事一人為臣子者凡遇朝會起居合趨赴者
其可稱疾頓免習常故狃宴安不恭孰大焉恭聞仁祖

天聖六年六月二十六日免常朝官屯田郎中閻卽夢
松等七人稱疾不赴朝忝罪詔御史臺復有七人以上
不到者論如法臣職在殿中合舉不如儀今後如遇四
忝等朝殿臨時稱疾不赴致班列蕭疎者當覈寔彈奏
故有是詔 六年八月十九日詔置閤門舍人十員專
掌覺察諸殿失儀魚侍立駕出覺察失儀並行幸去處
覺察魚侍立六忝常朝後殿引親王起居 七年正月
十日詔今後人使到闕朝見入賀宴辭百官並應奉人
並入出寧門依御史臺閤門檢坐條令約束赴朝忝并
應奉官及諸色人入出次序劄下皇城司施行 御史
臺閤門今檢舉下項一 紹興九年九月五日御史臺

伏契勅每遇朝恭官守候皇城門開趨赴立班近來有
下係入殿應奉人多爭先及有內宿諸色人并搭擎物
色乘馬官員擁擁入門委是行步不得欲乞自今後每
遇朔望筵拜并六祭日起居除三省樞密院及隨從宰
執趨赴朝殿祇應人外應諸色人不係殿內應奉者并
內宿及搭擎人等各候趨赴朝恭官入到幕次訖令逐
地分合千人方得放行免致擁遏朝路立班後時奉聖
旨依一紹興十年閏六月二十四日御史臺狀准詔自
來臣僚朝謁除應奉官先入外百官並合于宰執後序
入違者令御史臺彈奏仍檢舉舊例施行契勅昨在京
日宰執侍從百官正任南面宗室等官各分門入出趨

赴今來行宮止是一門即與在京事體不同今權隨宜
參酌欲俟皇城門開先應奉官次管軍御帶次宰執侍
從兩省官次百官次御史臺官次三公三少使相太尉
次正任南班宗室違者彈奏施行候回鑾日却依舊制
奉聖旨依今來已降指揮自今後每遇人使到闕朝見
入賀宴辭百官并應奉人並出和寧門今來若不措置
檢舉委是使赴朝起居百官立班遲緩欲乞今後每遇
人到闕見辭上壽入賀并宴及遇駕出應合入出和寧
門赴起居官并應奉官等並乞依前項逐次已降指揮
先應奉官次管軍御帶環衛官次宰執次親王次侍從
兩省官次百官次御史臺次三公三少使相太尉次正

仕南宗室侯入宮門訖次其餘不係趨赴朝殿祇應并
擔擎及牽馬人等訖次放內宿等人乞今所屬照應前
項逐次已降指揮并今來措置到次序欵令入出伏乞
朝廷劄下皇城司依所申施行故有是命 同日詔殿
庭立班及應奉朝恭官諸色人等入出皇城門務要整
肅令御史臺閤門措置條具取旨 御史臺言今措置
條具下項一殿庭立班近來往往有交語相揖或行立
不謹之官致不整肅及有托疾在告不赴列班蕭疎今
檢坐見行條令及續降指揮下項一崇寧重修本臺令
諸朝會儀出入不由端禮門崇寧重修本臺令
禮門不端笏朝堂行私禮雖朝退在殿交互幕次語笑
門內犯者同

喧譁殿門內聚設行立失序立班不正交語相揖無故

離位殿門外拜舞不如儀穿班仗出諸朝會不至及失

儀序并不赴臺恭辭謝者無故過十日同人殿中侍御

史具姓名申臺取審狀申尚書省太中大夫侍御史以

上並奏餘官擬過飾非准此諸朝宴日稱疾並假狀內

不赴者牒內侍省醫官局差內臣押醫診視不寔者彈

奏國忘此一在京通用教諸朝會行立不謹謂失序或

政離位立班交治若不歸幕次及請引不行或竊窺未

宣麻制及宴集改易坐次者杖八十情重者奏裁若職

事官仗衛士及諸色人言辭謾寬乖違儀式及不依所

給朝服色衣或承告而不至者各杖一百主司不告准

此皆為公坐

諸趨朝行馬失序者各杖一百控馬人減二等一紹興
九年二月四日臣僚上言比來每遇朔望或六參日合
赴官類多託疾在告不赴欲望申戒在位以肅建儀仍
令御史臺將所告最多之人核寔彈奏有旨依紹興二
十七年十二月二十六日詔應在京宮觀人如托疾請
假不赴朝謁令御史臺問門覺察奏劾乾道五年十
一月十七日尚書省劄子臣僚上言今後如遇四恭等
朝殿臨時稱疾不赴致班列蕭疎者當竅實彈奏有旨
依今措置欲乞檢坐上件條令指揮候今降指揮下日
從本臺出榜每遇立班處張掛曉諭應赴朝恭官如有
違犯必定依條彈奏施行一應奉朝恭官諸色人等出

皇城門吳勛昨于乾道三年十二月丙申降指揮非
不嚴脩今措置欲將應付朝參官合破人從入出皇城
門者自今後並合量行帶入庶得整肅乞下皇城司措
置如係內宿并搭擎人等自合遵依已降指揮施行如
有不依次序及奔走爭先擁遏喧鬧及從皇城守把約
攔人收領一面送所屬施行如守把人吏不止約從臺
牒皇城司依條施行閤門令條具下項一見行令諸朝
會臣僚失儀謂立班久語側身相揖行立失序不端謹
言語並具名彈奏
應俾而本堂不彈者
式
官仗衛士及諸色人語言誼罵乖違儀及不依所給
朝服或承告不至者准此諸殿內侍立臣僚次序已定

輒越次及離行失序者具名彈奏

祇應人奏
如違所屬

諸臣僚朝

集輒交互幕次語笑誼譁或不依官職序坐者具名彈

奏諸臣僚趨朝不應入殿人即時檢察糾劾諸殿門外

見引謝辭非見謝辭臣僚及諸色人輒過往者臣僚具

名彈奏諸色人送所屬諸宴會應奏事有不如法者聽

糾舉諸前後殿坐殿門側近不得聲高聞及殿庭今來

前項條令係殿庭赴朝奏立班并應奉官及諸色人入

殿輒不整肅依上件條令彈奏施行有旨並依五月

十一日問門奏今月八日垂拱殿坐有新授右宣教郎

滿煮朝謝拜舞生疎舉止並不如儀詔煮可特放罪今

後臣僚趨起居及見辭等遇有舉止疎慢不合朝儀

者並仰即時具名彈奏以戒不肅 十一月二十一日

詔檢坐百司出入局條法指揮嚴行約束如有違戾依

累降指揮令御史臺覺察彈奏 先是宰執進呈百司

出入局條指揮一紹興在京通用今諸在任官

庫務依官自依

條本月初出入局內官視門下省餘院尚書省次第出

此就

官早出者以未時自秋春至春分日商以天時二刻日初出以開皇城門時門下

省尚書省令係三省次第出謂如先宰執早出或三省

樞密院作假其餘官並行未時出上因宣諭曰從來指

揮雖載御史臺覺察之文元不曾覺察卿等可類聚合

覺察事件預行措置今後應覺察而不覺察者並御史

臺官施行故有是命 八年二月七日詔御史臺覺察

彈劾事件分錄六察如有違戾去處監察御史許隨事具寔狀覺察彈劾朋奏御史臺狀今開具下項到國部不曹朝見而輒見宰執干求差遣又臣托避免對官員違戾條禁出謁受謁行在百司外路監司州縣違法請謁佞見違戾抑奔競指揮舉官非其人及責降未牽復而序舉百官親年已高而不迎侍及歸養觀察使以上舉所知不許舉宰執管軍內侍親戚觀察以舉所受賂監司銓量老病守臣容隱等運司違戾保明州縣差推官等已除監司郡守乞祠未歸別有陳乞等部使者具州縣臧否違戾觀察使以上舉所受賂除授遠地監司郡守比近地為加審訪聞糾察以上事屬吏部錄史

察禁羨餘罷權攝或苞苴節宴飲如監司官守臣違戾
錯支侵欺常平錢米過數支見仕官供給諸縣借支侵
欺糯米支州縣預借人戶稅租州縣受納物帛之類徇
私兩浙漕司寄造酒不支本柄受納官作獎州縣催納
所放下鄉諸州將米成丁之人拘催丁錢漕司州縣違
限催科諸路荒田令保退人支請給耕種如奉行不虔
州縣違法支使窠名所屬積壓不支盜本錢沿淮州縣
起催二稅奉行不虔差役觀望不公等水旱災傷檢放
不以實兩浙江東西夏稅和買高價勒民納錢饒州江
州如措置賑濟減製湖秀太平宣州守臣如救恤災荒
不虔州縣令保正副出隘叅投等錢宣州太平州增科

隨苗錢人戶輸納足帛退換損污等輸官錢以見會于
中半如有違戾監司郡守歲考縣令之課不以實已上
事屬戶部覈戶察奉使三節人私行博易受餽送等奉
使接送使副輒赴筵會品官祖父母亡十年無故不奏
品官父母亡五年無故不奏巧圖牒試代筆博義總管
通判以下用岐樂州軍發解差試官徇私奉使三節人
推恩援例遇有陳乞巡幸視師經由去處過為華飾違
戾貢獻果木飲食之類學官受理學生假限外旋取公
據臨安府收買祠祭牲牢不支還價錢入申聖節筵宴
於例外因緣援以上事屬禮部覈禮察白直人於置
司州被差如占留諸州抽差人師司諸司屬官合破白

直人如依前占留監守同即接送人過多等諸軍收買物色

場務乘私請托漏稅等三司違法借差軍兵諸軍私役

占破借使軍器所工匠諸百官司格外差占禁軍應差

破禁軍不放於舊司人內差撥諸州拖欠揀汰軍兵請

給諸軍合得犒設違戾支給未盡等行軍臨敵士不用

命致亡失掌兵官監司隱蔽已上事屬兵部隸兵察芭

苴賂通群詳臣輒受芭苴貴顯者受權要供饋等監司如

通隱庇用刑慘酷或入已賊州縣之獄守令決遣違戾

所屬透漏販海越界州縣奉行寬恤等事違慢縣官庇

姦而監司不復誰何治獄檢法違限州軍大辟情法相

當實無可憫而具奏四川監司有違詔條等監司帥守

容庇州縣官出城迎送不接舉州縣奉行告訐虛妄條
法不虔諸州奏案稽滯提刑催促結絕見禁罪人斷放
不當刑部郎官催促結絕見禁罪人奉行不虔州縣官
貪污不法監司不按治四方奏請送有司者照成法不
以實寺監司巡歷所帶人吏過于州縣乞見寬恤事件
隱匿不切奉行官司及在任官下行買物等州縣奉行
朝廷指揮弛慢違戾當職官拘留不法違日生詞訟已
上事屬刑部隸刑察州軍違法差役工匠事屬工部隸
工察朝會賜酒食不如法朝會失儀臺恭謝官有老病
昏昧赴宴不肅及未罷先退朝宴日稱疾不寔百司官
入出局不遵條法授外任已得告牒辭見進發過限已

上事屬本臺前司本臺契勘前件覺察彈劾事件係日前
並係殿中與長貳通行風聞彈奏即不屬六察掌行其
六察係專一掌管收索所隸百司簿書公策等照檢稽
違差失行違迂迴不當等事今依應指揮將覺察彈劾
事件令六察分隸並開坐在前切慮尚有未盡事件本
臺更切根刷盡行抄錄別行具狀供申勘會御史臺具
到合覺察彈劾事件各有已降指揮今來並分隸六察
故有是命

全唐文

宋會要告謝

宋朝凡宰臣親王使相樞密使節度使降麻制日並詣
崇政或延和殿辭免若不得請即告謝參知政事知樞
密院以下宣徽使殿前侍衛馬步軍副都指揮使以上
節度使新授或加恩並即日捧官告勅牒叙謝宰臣領
餘主遠
並同貴近者或延座賜茶中書樞密或再坐已起亦
殿門使臣奏聞再坐餘官
日觀文殿大學士至寶文閣直學士三司使三師三
公東宮三師三少左右僕射尚書丞郎大夫中丞太常
宗正卿賓客常侍給事諫議中書舍人知制誥待詔三
司副使知雜御史及三館秘閣校理檢討校勘編修京

朝官以上三司判官主判官開封府判官推官羣牧判官審刑院詳議官兩使留後至刺史駙馬都尉上將軍統軍大將軍任銓轄以上升朝官判司天監及翰林天文直醫官院者內客省使至閤門祇候內常侍樞密都承旨至逐房副承旨新授加恩及諸般差遣並告謝其不帶職官如權知開封府通進銀臺司審官審刑三班兼羣牧使管勾景靈宮會靈祥源觀修起居注在京糾察刑獄提舉諸司庫務判刑部太常宗正司農大理大府寺國子監流內銓南曹登聞檢院鼓院諸三宮記室詔議翊善侍講開封府司錄兩赤知縣發運轉運使副提點刑獄府界提點公事巡撫經畧使押賜親王生辰

國使信契丹高麗交州夏州國信使副並特令告謝其

日皇帝臨軒閣門使殿上口奏舍人引出當殿再拜稍

前告謝又再拜退如已起居初出更不再拜內客省使

宗使以上仍先通今後告宣賜章服者謝恩再拜訖赴

東廂服賜服再引出再拜又前告謝再拜退

真宗景德元年三月翰林學士梁顥等言詳定閣門儀

制舊例皇城內監當庫務及在京監趨商稅權貨務香

藥權易糧科院並告謝今請在內監臨如殿庭每日祇

應庫務使臣初授命日並許告謝其餘在內庫務及監

趨等院如京官不帶職供奉官以下不帶閣門祇候及

左右軍巡使並不告謝如有特旨不在此例從之 四

年七月二十一日交趾進奉使黎明昶授峯州刺史副
使黃成雅授殿中丞乞告謝從之 大中祥符四年六
月九日閤門言臣僚授恩命差遣該告謝不拘時於崇
政殿令勾當殿門使臣使臣奏入告謝殊乖體式自今
惟降麻制及中書樞密院依舊例不拘時奏入其餘臣
僚乞令中書樞密院劄送崇政殿門方得奏引其非時
轉官授急速差遣便令辭發及有特旨令引者不限此
制從之 天禧二年八月二十四日祕書監知禮儀院
判祕閣楊億請此類三館直館校理例自今遇差遣許
赴便殿告謝從之 四年四月詔應告謝臣僚自今令
閤門並依官叙合班惟班首出班致詞舊制告謝皆各

有陳叙及合班悉如前殿之制 五年十一月二十四

日詔自今羣臣受命免其告謝 乾興元年三月

仁宗即位

未改閣門請自今告謝臣僚自後殿退將所授官告勅

牒宣頭詣內東門閣門遣吏收接附內東門使臣進呈
俟皇太后聖旨放謝即再拜退從之

仁宗天聖元年八月閣門言準詔文武官告謝者並閣
門供報承旨司及關報入內內侍省緣告謝臣僚多俟
皇帝出宮即時趨班兩處供報深慮漏落今請應告謝
官前一日計會閣門編排班次供報次日引起崇政殿
告謝所有合該儀制當日內告謝及急速差遣者不在
此例從之 二年正月二十五日翰林學士權三司使

事李諮言伏見閤門條制文武官該告謝者須隔日先
申閤門竊緣在京監左藏庫三糧料商稅麴院及司錄
參軍兩赤知縣並皆告謝若以侍從近臣一例隔日關
報實恐有傷國體欲望自今應大兩省以上三司使副
知開封府凡受恩命差遣並許當日告謝從之其刺史
閤門使以上亦如此例 九年六月二十二日詔文武
臣僚除授差遣除依議制許當日告謝外其餘除假並
限三日內告謝 神宗興寧二年十月二十五日修定
閤門儀制所言奉使契丹國信使副親王及臣僚生辰
使並入謝竊詳景德通好之後務欲增重其儀故命使
至今庭謝然自來不過正衙蓋是出於一時及親王臣

僚生辰使亦皆入謝竊恐未合事體況臣僚差遣只於
後殿告謝者甚多今欲請契丹國信使副親王及臣僚
生辰使並只令告謝從之 三年六月二十五日詔自
今磨勘大使臣依審官東院例引見更不告謝 四年
五月三日閤門言自來臣僚告謝並用劄子寫所授官
職差遣奏知後通某人告謝惟中書樞密院宣徽使并
降磨官不寫劄子今閤門已一例用劄子奏知尋著為
例從之 八月十三日東頭供奉官李延迪等言奉宣
差充閤門看班祇候乞告謝閤門看詳係新置欲乞令
告謝其見謝辭並依內殿崇班體例從之 十月二十
五日閤門言新定儀制樞密都承旨承旨副承旨逐房

副承旨新授加恩及差遣並告謝詔中書檢正樞密院
檢詳官新授加恩及差遣並告謝五年二月十六日
詔自今諫官新授加恩差遣並令告謝元豐五年九
月九日濟陽郡王曹价告謝命坐工對之涕泣撫諭久
之以慈聖光獻喪除故也

高宗紹興四年三月二十六日閤門言翰林學士綦密
禮差兼使館修撰告謝禮部稱雖史館修撰與修國史
事體一同與無立定條法詔依修國史官體例六年
五月九日閤門言范冲除翰林侍讀學士見乞朝謝見
行雜壓儀制即不該載緣學士正謝日合賜魚袋鞍轡
馬所有范冲正謝日未敢便依翰林學士恩數謹賜詔

范冲應干恩數並依翰林學士體例八月二十七日詔
侍讀侍講在法雖無詳告謝之文多係前執政及從官
兼充理合正謝令勅令所於閤門格內修入時以前
執政孟庾提舉萬壽觀兼侍讀受告申審故有是詔
九年四月二十九日閤門言權吏部侍郎范同兼實錄
院修撰會到實錄院稱修撰與史館修撰事體一同未
敢依史館修撰官便令本官告謝詔依史館修撰體例
十三年二月三日詔今後宰臣執政官轉官加恩正
謝合賜衣帶鞍馬並令全賜更不減半詳見賜衣
服分物
孝宗隆興二年六月二十一日閤門言初除帶御器械
官授宣命訖合告謝正謝今來除授係環衛官兼領已

降指揮朝參侍殿請假參假並依御帶體例投告訖即
未有許告謝正謝指揮詔令正謝 乾道七年五月二
十七日閤門言據新授臨安府推官陸之望下到榜子
乞朝謝契勘開封府判官推官雜壓係在六曹郎中之
下直龍圖閣之上其六朝郎中并直龍圖閣並該告謝
正謝今來臨安府判官推官依雜壓次序合該正謝內
告謝閤門條法即無該載詔依六曹郎中例告謝

全唐文

宋會要

辭謝

國朝凡宰臣親王樞密宣徽使叅知政事樞密副使叅

假一如起居之儀

使相亦然親王使相並奉使朝辭及

使迴並如使相朝覲之儀

使並升殿問聖體樞密謝恩則

宰臣親王使相通喚餘官皆側立候通起居畢致辭再

拜舞蹈訖有賜物者跪受又再拜舞蹈訖退

如坐坐供

引其日只

三司使副使學士兩省侍郎文武升朝官京

官內客省使至閤門祇候見者喝賜酒食

假日崇政殿

判部監駐泊以上州賜餘皆不賜三司使學士東宮三

制中丞三司副使東宮三少尚書丞郎大卿監上將軍

全唐文



使就食本廳大班歲時以下武班大謝如常儀辭者致將軍諸司使以下即通事舍人伴

辭三再拜不舞蹈賜物跪受如中謝或衫子分物十月

以後賜物分物上供奉官至奉職監官待詔亦如上

儀惟奉職以下止門謝使相朝覲者有通喚又致詞又

謝茶藥御筵及賜衣物又跪受訖升殿門聖體若有撫

問或收進奉物者各拜舞稱又升殿奏事賜茶拜舞訖

退節度使則不通喚不謝御筵節度使宣徽使伴餘並

使伴謝如常儀辭日使相節度使皆曲宴畢叙辭賜衣

物跪受訖服其服入謝拜舞訖退兩使留後觀察使已

下則不問聖體防禦使至刺史止於致詞拜舞訖退後

以下無曲宴餘如此儀流內銓引對旨授幕職州縣官其進奉總賜者並不謝

者前一日以銓狀進呈至日判銓官引入起居致詞就

客省使侍立位俟幕職州縣官謝辭訖又引再拜而退

仍於殿門外宣詞戒勵方鎮節度使遣子弟來見者亦附奏起居留後以下即否忠佐

以下差領放牧者又賜衫子食茶僧尼道士入見有進香合等者皆通

事舍人接進父老入見者勅賜茶酒又傳宣撫問舉人

群見者前一日習儀至日俟崇政殿奏公事退引見以舊

國子監解元為首其群官得假者皆門辭假回者待制

知雜御史上將軍刺史閤門祇候以上及三館祕閣三

司開封府官僚銀臺臺審刑審官糾察刑獄皇城司監當

庫藏官特令入見餘悉門見請假三日以上並奏假其

門見謝辭者祕書監上將軍觀察使內客省使以上得

令扈又

拜殿門階上及升殿止拜御座前餘皆拜庭中凡班見者先之謝次之辭又次之先宰臣次親王次樞密使帶平章事者次樞密宣徽使叅知政事樞密副使次內職班內客省引進四方館閤門使樞密都承旨宣慶宣政昭宣使亦同此
次諸司使副使承旨崇班次橫行副使次樞密副都承旨副承旨諸房副承旨逐房副承旨次通事舍人閤門祇候次內常侍內供奉官殿頭次拱奉官次使相班次三司班三司使副使次學士臺省班文明殿學士次龍圖閣直學士中書舍人知制誥待制御史大夫中丞次常侍給諫次起居郎至正言侍御史至監察次文班三師三公東宮三師三少次僕射尚書次丞郎次節

四行軍頭下
脫

禁國錄使次
望官別班次
兩都指揮使
次軍頭都指
揮使至諸軍
副軍頭
太祖子當
是雜錄

度使次太常宗正卿及諸太卿監詹事次兩使留後觀
祭使次庶子至五官正次防禦使至刺史次武班統軍
上將軍次大將軍至將軍次諸軍馬步都軍頭至副都
軍頭次雜班教坊使副使次翰林天文醫官書畫琴棋
待詔藝學次京官次中書樞密主事堂後官帶京朝官
皆自如本班無正
官者八次行軍副使次幕職州縣官次諸道牙內都指
揮使已下次三司孔目官至勾押官次僧道父老百姓
其分司官詣闕者從本官班入宗室謝恩者各於本官
別班入太祖乾德二年八月五日詔自今群臣見謝
辭並先赴內殿對後赴正衙正衙見太宗淳化二年六月
五日知雜御史張郁言按令式每假日百司不奏事陞
全書文

下憂勤萬機每遇旬假亦親決政事邇來文武群官多就假日辭謝貴就便坐以免舞蹈之儀欲望自今假日除內職及將校外閤門不得引按辭謝其受急命者不在此限從之 至道三年十月詔京朝官差充知府州軍監通判知縣及監臨物務得替者限三日隨榜于於閤門投納家狀方得引見其家狀閤門逐旋封付審官院短使回者亦具名報審官院 真宗咸平元年十二月詔京朝官差知州通判知軍監縣場及監臨物務者差定後不得更赴朝叅限五日朝辭除程更與限一月如違三日已上別具聞奏 景德元年七月二十九日御史臺言檢會應文班朝官京官節度行軍司馬節度

防禦團練副使武臣將軍率府郎將已上並合請詣正衙謝及辭見內節度行軍司馬防團副使回不見使相諸道節度使及管軍節度使防禦使已上並合正衙謝及辭見幕職州縣官等只赴正衙謝無辭見準淳化二年勅節文文武官中見中謝及朝辭後次日須便詣正衙或急速差使雖放衙辭亦須具狀報臺如有違者奪一月俸應內諸司職官并管軍將校但授遙都已上及閤門通事舍人已上凡授恩命並須詣正衙謝其中見朝辭更不詣正衙詔應文武臣僚合赴正衙謝并辭見者宜令閤門一依前後勅條曉示違者御史臺彈奏時工部員外郎朱台符差充陝西轉運使已朝辭不赴正

衙辭乃下是詔 三年四月二十二日詔京朝官內殿
崇班已上得替得先具民間條例利害實封於閤門通
進後方許朝見 十一月十四日新授翰林學士楊億
中謝於長春殿帝以億疾新愈特詔免舞蹈 四年正
月十四日給事中梁周翰叅假兼門謝差醫官看候詔
令後殿叅假免舞蹈 大中祥符二年六月二十七日
詔知府州興州刺史折惟昌隨行蕃官首領等引見如
不過殿候到座殿公事退引見兼賜對見朝辭例物
三年二月十九日閤門言今月十五日崇政殿群臣見
謝辭及上殿奏事僅及亭午欲望自今朔望除三司開
封府審刑院外其餘非急速公事並令於別日敷奏所

者

有見謝辭臣僚并百官起居日欲只引兩班從之八月
三十日河中府遣虞鄉縣令氏昭度部送進工薛南及
父老僧道詣闕奉迎車駕對於崇政殿賜以緡錢即令
辭還近制假日閤門無辭見之例以其衆遠未特引對
而遣之四年五月六日閤門言自今內職將校請依
文武官例假日不許辭見從之六月十八日閤門言蕃
部八見只御龍宮四人排立緣蕃部數多望自今更增
行門六人排立從之七月八日詔閤門自今文武臣僚
充安撫使副都監及提點刑獄之類但係同差帶職名
者並令一班辭見內有合重行異位者即依常例先是
帝宣示宰臣曰朝廷每命臣僚充使副出外同勾當諸

事辭見之際多以文武班例及資品高下閤門不令同
列甚無謂也故有是詔 六年四月二十五日流內銓
言今後應有選人引見已得聖旨不便謝恩及於劄子
外妄稱別有勞績及唐突僥求恩澤者所犯人且未與
改官仍乞令閤門軍頭引見司告示從之 八年五月
三日榮王元儼降封端王謝恩於宣明殿舊例降封止
門謝至是特許入謝七月三司言文武官差出朝辭賜
絹者起今每足給錢一千充直從之八月十八日閤門
言文武臣僚為公事取勘勒住起居者罰放後勘所並
不聞報臣僚又不便謝恩亦有奏乞權且令起居者又
為已趲起居亦不謝恩欲乞今後為公事勘罰者令勘

所畫時閤報曉示本人限五日內謝恩出限不赴依不
赴起居例責罰從之 天禧元年十月二日尚書右丞
魚宗正卿趙安仁言自今除前後殿臣僚依舊奏覆公
事其崇政殿承明殿及再座諸司常務顯有條例只令
本司施行訖奏知更不引見其審官三班院流內銓亦
令分日引人詔閤門今後引見人日不得過兩司十一
月二十四日詔京朝官使臣辭見及謝並赴崇政殿
三年三月二十八日彰信軍節度使王能入辭以疾止
對於崇政殿仍命其子琪掖而升又乞免辭日御筵及
親王宴餞並從之 三年四月詔先令得替官員及轉
運使副兩省御史臺官出使還並具民間利害及採訪

官員治迹善惡等事閤門通進方得入見訪問自是閤門須令指陳事狀方許朝見其間事理不得精詳舉保鹵莽或非本意出自他求宜令自今如有所聞見即依前詔如無利害亦不須令投進文字便許朝見七月二十一日新授三司使李士衡以足疾表求謝於長春殿門從之四年四月二十七日閤門言請自今庶子以下至京官閤門祇候至三班使臣並為一班文武群官值假三日則朝見辭謝於崇政殿其酒食緡帛賜於門外從之時帝不豫故從省約之制五月御史臺言三班使臣先準詔諸處勾當迴限七日須得朝見如違即三班申宣徽院勘問所有不帶職京官望依例如違即諸司

寺監申舉從之九月二十二日詔文武官辭見謝合過
正衙及幕職州縣官對啟衙謝在放朝假內者並放當
升殿奏事者實封以聞十二月三日承天節假放文武
群官幕職州縣官契丹使前後殿起居正衙辭謝其自
外到闕者並門見至十一日後仍舊二十二日詔應文
武官及京官使臣幕職州縣官遇雙日並令門見及辭
謝隻日依舊 乾興元年二月二十九日 仁宗即位未改元 中
書門下言新授恩命臣僚告謝後望令便赴本職勾當
候釋服後謝恩從之 三月十八日禮儀院言準詔自
今遇隻日視事雙日不坐辭見謝班令與閤門叅議今
請文武官見謝辭並就隻日事干急速亦許就隻日自

全唐文

來合係門辭見謝者亦許就雙日三班使臣京官諸道
進奉衙前等並許不限雙隻日僧尼道士凡有進奉並
就隻日從之 四月二十六日閤門言雙日文武官望
並許見謝及辭從之 十一日皇城司言之今後朝臣
使臣差使出入見辭日並以職位姓名報皇城外門人
員以憑奏聞從之 仁宗天聖元年三月詔閤門應差
遣出外臣僚如朝辭日合該上殿並令先五日報閤門
朝辭月日閤門候到即時申樞密院 三年六月八日
右巡使李紘言京朝官監當知縣及新除京官假告出
入多就殿門外辭見謝况幕職州縣官尚得對歇欲望
自今京朝官但是差遣除授假告出入並令入殿中書

門下請自今京朝官及內職殿直以上但係親民差遣授恩命並就隻日見謝辭自餘監當及短使差遣許於隻日殿門外放辭見從之十一月閤門言流內銓引見選人內前鳳翔府支使林茂先前虔化縣尉楊文敏不合唐突詔並特放仍令銓司自今戒勵選人引見不得唐突如違依條施行 四年八月十四日監察御史王公言京朝官授差遣多不即入辭妄貢封章希求恩獎中書門下檢會舊條京朝官受勅後不得更赴朝叅限五日朝辭除程與限一月又承明殿奏事官不得妄陳勞績僥求章服恩澤如違委入內內侍省申奏今請下御史臺應新授京朝官並以條勅曉諭違者彈糾聞奏

從之 五年四月九日詔以併值假故應新注幕職州縣官與免對敝辭謝其再試進士及諸科賜出身試衡人等特放辭候假開依舊以新及第舉人率多寒士食貧京闕特降恩旨 六年四月二日詔今後幕職州縣官等磨勘宜令流內銓一依近例具節劄子并脚色前一日進內候降出仰主判官員看詳內有須合覆奏事件於前殿再審取旨後崇政殿引見其元進御批劄子候引見訖實封送中書其審官三班院亦準此例十二月二十七日中書門下言以假故多其見謝辭官并正衙並欲權放候上元假開仍舊從之 七年十一月詔閤門應三班審官院流內銓引見官員使臣內官品一

般者令一處謝恩 八年六月七日詔流內銓選人自
今引見或謝辭有失儀者依條責罰後更不書於歷任
狀內 景祐二年十二月十五日閤門言自除中書樞
密院降麻臣僚當日一齊謝恩外餘班不引遇常朝假
日見謝辭只引左班今後臣僚須前一日前下勝子皇
親將軍已下有在假年小及臣僚年小降到告勅差承
受送赴私第宣賜從之 四年七月二十五日詔今後
如遇假日後殿座京朝官不該辭見者內有急速事許
令辭見餘依常例 慶厯二年五月十二日詔自今應
臣僚入見并辭謝如值假故不御前殿即依舊制並放
若事急速許令後殿見謝辭及放正衙並繫臨時特降

朝旨即不得輒自上章陳乞時權御史中丞貫昌朝言
護國軍節度使兼侍中張耆赴河陽武安軍節度使高
化赴相州乞免衙辭河陽節度使楊崇勳復平章事乞
免衙謝魚聞上件官等並乞只於後殿見辭者接近制
臣僚見謝辭並合在前殿仍詣正衙除假故外若事急
速或許於後殿或免過正衙並繫臨時特旨耆等位為
節制久去朝闕辭見不由前殿出入不詣正衙或扶以
拜官或揖而受賜既稱衰疾且冒寵榮雖聖上眷待老
臣特推異數猶宜避免以示恪恭豈可輒上奏封自求
優便今國家外扞邊寇方任武臣所宜並示恩威不可
專用姑息仍恐文武臣僚自此益更輕慢朝廷之儀乃

下是詔仍榜示朝堂 皇祐二年六月詔臣僚移任求
朝見留京師毋得十日 四年六月詔武臣除喪者自
今如文臣例先給告身然後入見 至和元年六月十
九日閤門言臣僚叅假內官高者通官位卑者只通姓
名勘會儀制並不載定並通班閤門祇候因循承例以
致差互今後應叅假臣僚並令通官位姓名從之八月
七日詔自今將相遷拜見辭之禮令閤門以故事舉行
初知制誥韓絳言比年以來國家多失故事且將相遷
拜迎授見辭勞餞各有寵數或當行而輒罷或假予之
非宜遂使恩禮所及頗失其稱請下有司申明舊制故
下是詔 嘉祐八年四月六日

英宗即位未改元

帝不豫應文

全唐文

武臣僚並權放朝恭正衙見辭謝俟平愈日依舊至七月如故十月九日詔前令閤門御史臺自九月二十五日權放臣僚見謝辭今宜如故 英宗治平元年六月二十五日樞密使張昇以遣吏部侍郎入謝詔減其拜數至受賜物又令勿跪以昇老疾故也 三年十一月詔三班院流內銓磨勘使臣選人權免引見所進文字令中書覆奏 十二月二十五日大遼賀正旦壽聖節國信使副見於紫宸殿門外明年正月辭於殿門外以帝不豫故也 神宗熙寧二年正月二十三日權監察御史裏行王子韶言伏覩朝廷以職事官年七十以上及疾病疲瘥者付御史臺體量可否以臣觀之比宜委

宜有司豈可每煩朝廷入况內外職任頗有事繁務劇之處其不能勝任者豈獨老病至於孱懦庸闇之人亦能曠官敗事者也今必待朝旨然後體量則所察者少而所遺者衆恐未足以澄清簪笏也竊見得替赴任官亦有赴臺叅辭之制自來只於朝堂與丞雜御史拜揖而已徒襲舊儀殊無義理欲乞今後臺叅辭並須詣御史臺每日令御史一人接見詢察遇有老病昏懦之人即白丞雖再同審覈若委實不堪釐務者並許彈奏如是則不待巡行天下而能否粗別從之閏十一月十九日閤門言準流內銓牒權同判銓龔鼎臣先患請假銓司於引見選人奏狀內龔鼎臣下已書假字今日朝叅

訖為前奏內在假更不赴引見選人詔今後諸司在假
如叅日便赴奏覆引呈公事 三年二月十三日權監
察御史東行王子韶言自來節假放見謝辭正衙亦不
到臺叅辭其間頗有避見本臺體量多赴故冀幸免放
欲乞今後除朝廷非汎差遣及請假依舊外其得替赴
任並須赴臺叅辭從之八月七日閣門言準編勅自入
伏後審官三班院流內銓只許引一處候秋涼添上殿
班依舊今月十日秋分詔自今後一日只許引兩處十
二日編修中書條例所言選人授差遣衙辭流內銓繳
進家狀三代表別無行遣欲乞今後罷進從之 七年
十一月十一日詔河北副將令依閤門班次入辭所賜

人馬甲冑弓箭佩刀等並令於後殿門賜謝 九年五
月四日以大遼國母辛賀同天節使於紫宸殿朝辭告
哀使未至未輟朝視故不辭於崇政殿 元豐五年十
二月二十四日御史臺言準詔遼使見辭日並特起居
其前後三日內當起居權罷二十六日紫宸殿遼使見
來年正月六日垂拱殿朝辭若各用本殿班即見日望
恭班赴辭日六恭班赴詔並用望恭班 六年四月十
九日詔自今見任官召赴闕上殿訖限次日朝辭回任
聽候指揮 七年正月四日文彥博言臣前辭闕下之
日嘗奏得致仕後當親辭天陛臣今得請欲赴闕廷降
詔從之 八年正月六日大遼賀正旦使副辭於紫宸

殿門外以帝不豫故也二十八日以帝不豫執政官入
至福寧殿王珪言閤門見謝辭權放內不許隨放之人
令門見其上殿臣僚非召赴闕者有奏陳事權令進入
從之七月二日太常寺閤門言西人見辭儀制乞如嘉
祐八年見於皇儀殿門外所有朝辭緣太皇太后權同
軍國事乞許垂簾日朝辭或止令門辭詔見依嘉祐八
年朝辭詣垂拱殿 哲宗元祐元年四月十八日詔尚
書侍郎除改別曹免入謝及進馬仍不用初除恩例給
事中遷侍郎如在一年內除入謝外亦如之二十三日
新知穎昌府韓縝言故集賢校理同修起居注江休復
子懋相才質粹美能守家法皆因覃霈轉官會足疾偶

稽朝謝遂踰百日之限然實未嘗在假有司不為申理
欲望許令朝謝及量其材質稍加擢用詔江懋相特許
朝謝六月十三日禮部言近制尚書侍郎除改別曹免
入謝郎官亦當免從之二年六月八日樞密院言元
豐八年四月八日朝旨應見謝并軍迴過軍並權令門
見謝按乾興元年列軍迴人兵並係引見詔依舊引見
元符三年正月六日遼國賀正旦使副辭於殿門外
以上服藥故也六月七日遼使辭於皇儀殿又赴紫宸
殿朝辭徽宗崇寧二年五月九日臣僚上言竊見日
近帥臣多是受命訖數以乞對為名不肯朝辭既朝辭
訖又不肯起發遲留都城動踰旬月只是謀為身計殊

金唐文

不體朝廷所以造之之意欲乞今後除授邊師帥或身在
闕下或便路乞見欲乞與越班奏事限日朝辭訖限日
進發庶幾不至失事仍乞令御史臺糾察從之 欽宗
靖康元年五月十五日詔監司守臣見待次朝辭上殿
人並免 高宗建炎四年十一月三日閣門言奉詔今
後臣僚投下見辭謝勝子如經隔年月違限令召本等
保識官二員委保正身甘伏除名結罪批鑿印紙方許
引見謝辭欲乞朝見自得替後限一年謝辭以授宣告
勅割日限一月如出限即許召保從之 紹興元年四
月十七日閣門言故例臣僚見謝辭並權放候皇帝御
殿日依舊從之時隆祐皇太后上僊故也 二年正月

二十四日吏部侍郎李光言望檢舉見任郎中自建炎
以來未經上殿人並令引對從之八月九日輔臣進呈
左司諫吳表臣表乞應郡守初自行在除授及自外罷
任赴闕者並令引見上殿上曰郡守民之師帥若不得
其人千里受弊於是可其奏九月十二日工部員外郎
宣撫處置使司主管機宜文字張宗元言隨行將佐使
臣遠路從軍不曾將帶袍笏履朝日乞許着紫衫從之
三年五月八日詔奉使官潘致堯高公繪回仰日下
入門不以早晚服紫衫赴內殿朝見四年四月十八
日新除起居舍人王居正言被旨候到今引見上殿緣
見患喘渴登對未得望許令先次朝見候痊愈日即起

赴上殿從之八月二十六日詔汾江帥守赴任道由行
在權免朝見奏事令取徑路之任時以防秋從臣僚請
也十一月三日詔監察御史田如鼇回自張浚軍前令
內侍省於內殿引見十二月二十二日詔丁憂服闋及
尋醫侍養假滿百日官如到行在並許朝見臺叅五
年二月十一日御史臺閤門言車駕親征回請依條令
故事俟還內次日文武百官內殿起居問聖體從之
七年二月九日部省言除授監司郡守合朝辭上殿人
緣見在易月服內皇帝未御正殿引對未得竊慮有妨
起發之任詔並權免如願伺候上殿者聽二十一日閤
門言將來御殿臣僚起居見謝等內有該舞蹈官欲權

免舞蹈叩頭候卒哭依儀制從之時以徽宗皇帝顯肅
皇后喪制故也三月十日知建康府葉宗諤言車駕移
蹕到府率本府應文武官朝見從之九月二十二日
明堂大禮應命官犯罪依今赦合該原免如因結斷未
了未合朝見人特先次朝見八年十月十一日詔今
後應從官上殿今次臺諫在面對官之上引九年七
月四日詔東京耆老寇璋等詣闕上表令四方館引見
時復河南諸郡故也十一年十月十三日詔御前統
制官等各以職次高下輪替入見十三年正月十八
日閤門言將來御前殿合赴朝叅臣僚切慮朝集不知
儀範難以整肅自今後應在外臣僚兵將官等到行在

見謝辭并應朝集等並依閤門儀制如請降到內殿或
放免見謝辭等指揮並令閤門執奏不行從之二月十
一日詔六叅日依令引一班上殿止引面對官如值假
合後殿座日分依令止引兩班四月五日兩浙西路提
點刑獄公事王鈇言本司官係在平江府置司每遇出
巡到臨安府亦係部內欲依兩浙轉運副使徐康國例
許免辭見從之十一月二十一日詔臣僚已有差遣受
命訖違五日之限不即朝辭起發者令御史臺彈劾從
侍御史李文會請也十四年三月十八日詔今後臣
僚有面刺大字或燒炙之人遇合見謝辭並許趑趄詳見
起居十二月二十五日詔自今後每遇紫宸殿使人見

辭更不排設逍遙平輦 十五年十二月十一日詔使
人到闕朝見紫宸殿宴前一日朝辭前二日應奉官司
並赴逐殿習儀 十七年六月三日詔金國使人見辭
等如遇垂拱殿集英殿紫宸殿階下立班於拜處宰臣
使使人令儀鸞司鋪氈今後準此 十八年十一月十
三日禮部太常寺言來年正月六日人使朝辭使樂係
在上辛詞官致齋之內欲依治平故事用樂從之 二
十三年五月十九日使人朝見二十九年五月二十七
日朝辭並在夏至祭皇地祇致齋之內亦引故事用樂
二十年三月二十二日詔今後人使見辭擗擎檐床等
人令殿門外隨儀衛迎駕奏萬福 二十五年十二月

十八日詔應召赴行在臣僚入國門日令即時具狀聞
奏 二十六年十二月十五日詔三佛齊進奉人依儀
從人門見可依舊例俱令入見 二十九年十二月十
七日詔使人朝見後殿起居班絕垂拱殿座權令宰執
侍從日叅官一班次使相至刺史一班次馬步軍都指
揮使以下一班次馬步軍員僚一班次館伴一班並令
常起居次引使人 三十年五月六日詔朕以國使信
至勉從羣臣上壽之請既未御純吉服儀仗難以盡飾
人使朝見日可止量增禁衛更不設伏以顯仁皇后服
制也十一月二十七日禮部太常寺言金國使人到闕
朝見日依政和五禮新儀排設黃麾角仗一千五十六

人使朝見得旨未御純吉服止量增禁衛更不設伏今
自十月朔純吉服所有儀仗合行排設從之 三十一
年五月二十七日詔金國人使朝辭御後殿東廊素幄
時聞欽宗皇帝訃音也十二月八日太常寺言車駕巡
幸視師經由州府縣鎮官迎駕起居奉辭緣在恭文順
德仁孝皇帝服制之內並乞常服黑帶去魚從之 三

十二年三月十八日詔人使朝辭在京日經由垂拱殿
過祿垂拱殿非係人使立班處可先後殿坐次紫宸殿
引人使朝辭 孝宗隆興二年五月十三日臣僚劄子
言朝廷除授當杜私謁今士風奔競廉恥沮喪宜明示
告戒依已降旨以半月為限有既除授而不朝辭與夫

至而不見辭而復留者令有司具名糾劾以聞從之
乾道元年八月十四日詔今後應文武知州軍諸路釐
務總管副總管鈐轄都監見辭並令上殿批入料錢文
歷如託故避免並未得差除赴任委臺諫監司按察以
違制論已而又詔內殿見辭奏事訖亦令閣門批上本
官料錢文歷照會 二年三月一日尚書吏部侍郎陳
之茂言近者建議之臣欲以初改官人時出聖意臨軒
引問觀其能否竊見選人改秩亡士慮百員每班不下
十人若盡令引對則一朝之頃不能遍及若止取一二
則餘者幸免政恐其間又多碌碌盡棄之則非所以廣
恩盡容之則又非躬親顧問之意乞止從都堂審察從

之既而吏部言竊見故事選人改官日皇帝臨軒引見
政欲觀其人材今立班之地相去稍遠乞令立班移近
軒陛逐一宣召其間聖意或有所疑即乞指名宣諭吏
部侍郎令同到都堂審驗如不中選即別取旨免致一
一紊瀆聖聽從之 四年五月二十四日臣僚上言自
今如有身到國都不曾朝見而輒見宰執干求差遣者
乞重寘典憲從之 五年六月二十九日詔吏部奏舉
改官人並權免引見候引上殿班日依舊時上目疾故
也 七年三月四日主管侍衛馬軍司公事李顯忠奏
乞移屯諸軍統制統領將佐大小使臣與免朝辭從之

宋會要賜服

告謝條下引見賜衣服等物則此當作賜衣服

凡五月五日賜服二府宰相至同簽書樞密院事親王三師三公使相東
宮三師觀文殿大學士僕射宣徽使殿前都指揮使至馬步軍都虞候節
度使駙馬都尉五事新羅公服紅羅縐袍肚黃軟汗衫新線綾夾袴小綾
勒帛銀裝角子二舊式大綾夾袴勒帛都尉親觀察使以上金吾上將軍
皇親刺史以上五事角子並同宰相臣惟小綾勒帛兩使留後觀察使四廂
都指揮使忠佐領團練使五事角子同皇親刺史惟大綾夾袴無潤羅東
宮三少尚書三司使至權發遣使公事觀文殿學士至樞密直學士五同
僕射惟綾縐袍肚舊式尚書同待制三司使同節度使防禦團練使刺史
同留後惟綾縐袍肚舊式同三司使惟無潤羅御史中丞開直學士官觀
判官四事同羅公服黃軟汗衫小綾勒帛軟線綾夾袴銀裝小角子二舊
式大綾夾袴腰中並如待制之例如審判判檢院並同諸統軍四事同中
丞惟無潤羅角子無銀裝諸衛上將軍同統軍惟綾縐袍肚又收小綾汗
衫常侍賓客丞郎給諫舍人知制誥待制卿監祭酒詹事三司副使至發
遣公事五事羅公服綾縐袍肚小綾汗衫勒帛大綾夾袴舊式三司副使
如官觀判官內客省使延福宮景福殿使同防禦使惟角子無銀裝皇親

大將軍將軍諸司使副使四事雜公服小綾汗衫勒帛大綾夾袴銀表小
而子二少卿監知雜司業庶子諭德郎中樞密都承旨至諸房副承旨橫
行使宣慶宣政昭宣使諸司使大將軍人內省都知押班四事雜公服小
綾汗衫勒帛大綾夾袴無角子舊式三司判官判司準此知雜人內省知
雜司判司外郎押班同承旨皇親宗班以上三事同諸司使而無袴舊式有
角子而無銀表起居郎至著作郎三院御史員外郎少詹事率更令博士
三丞大理正以上開封府判官將軍橫行諸司副使樞密逐房副承旨皇
親殿直以上三事同少卿監而無袴通事舍人承制宗班及閣門祗候二
事同諸司副使而無勒帛中允至洗馬尚藥奉御至五官正閣門看班三
司勾當使臣京官任在京職事者二事雜公服順汗衫今選人充館閣職
任內幕職州縣官三班使臣任在京職事當賜者止雜公服監文思院門
要施衫內侍兩省使臣供奉官並紫羅公服內常侍加小綾汗衫內侍主
黃門入內殿頭至奉車管勾紫羅窄衫順欄內侍祗候高品至後苑散內
品入內貼祗候內品至雲韶部內品紫官絳窄衫順欄其內侍非宿直及
在京勾當不給至內後苑內品至散內品紫窄衫順欄寄班祗候奉
職侍職雜公服殿直以上加順汗衫舊式帶器械高品以上並雜公服順

汗衫凡諸軍捧日天武龍衛神衛拱聖驍勝宣武神勇虎龍步武龍猛吐
渾驍騎軍都指揮使諸班殿前指揮使遙郡都虞侯御前忠佐馬步都軍
頭及遙郡副都軍頭五事羅公服綾綾袍壯黃微汗衫小綾勒帶大綾夾
袴高子二舊有銀裝不遙郡副都軍頭五事並同都軍頭惟小綾汗衫小
扇子二捧日至神衛不遙郡都虞侯及諸班內員僚御龍四直都虞侯指揮
使御前忠佐步軍副都軍頭已上行門殿前散直鈞容直指揮使五事並
同都軍頭惟細汗衫開封府馬步都指揮使四事羅公服小綾汗衫勒帶
大綾袴無扇子拱聖至驍騎及雲騎奉節歸聖効忠武騎雄武渤海寧朔
都虞侯捧日至神衛指揮使殿前都指揮使知四事羅公服細汗衫大綾
夾袴小綾勒帶小扇子一內殿直散員散指揮散都頭散祇候龍旗金槍
東西班內員僚外殿直都知三事羅公服細汗衫大綾夾袴小扇子一開
封府馬軍步軍副都指揮使以上牢城都指揮使三事同外殿直都知而
無扇子拱聖至寧朔及驍猛馬直步直揀中龍神衛契丹飛猛衛聖威虎
神威宣勅橫塞威猛廣勇鞭箭雲捷歸明雄武指揮使捧日至神衛及御
龍四直指揮使教駿廣備忠節威武都虞侯殿前指揮使副都知三事羅
公服細汗衫小綾夾袴小扇子一內殿直至外殿直副都知殿前散直都

知三事羅公服補行彰勳帛拱聖歸明雄武副指揮使教駁騎御馬歸聖
順聖勇捷步開雄勇廣德靜戎千塞歸化順化忠節橋道清塞廣備歸恩
雄勝威武懷勇効順陳安指揮使六軍搭材都虞侯殿前指揮使押班二
事同殿武都虞侯而無修亦小廟子一御龍四直都頭二事同殿前指揮
使押班而無廟子皇城司都虞侯二事羅公服小暖汗衫教駁至懷愛副
指揮使內殿直至外殿且押班押蕃御龍四直副都頭新立內員僚直行
首副行首殿前散直副都知押班龍神衛刺員保寧搭材案務廣德指揮
使開封府六軍副指揮使以上羅公服殿前指揮使行門殿直及內殿直
之進御弩者均容直招前班都知副都知紫羅散欄小暖汗衫鈞容直招
前班押班都部頭內園御輦翰林儀鸞八作綾錦事材車營務諸司都虞
侯堂司候從捧日至神衛軍使都頭龍神衛刺員至廣德副指揮使効節
指揮使員僚直行首番已上軍頭司副兵馬使以上紫羅寬衫或欄捧日
至神衛副兵馬使副都頭拱聖至鞭箭軍使至副都頭軍頭司疆壯及散
指揮使副指揮使以上契丹渤海吐渾軍使以下赴起居者紫羅寬衫或欄
機龍衛及骨朵子直內殿直至內員僚直殿前散直招前班及外殿直散
祇候東西班權管指揮者軍頭司散員至副兵馬使強壯副都頭散副都

頭以上吳丹海吐渾軍使以上不起起居者教駿騎御馬軍使副兵馬
使歸明散員條諸司指揮使副指揮使以上軍頭司副都頭以上紫羅
衫明御龍弓箭弩鈞容契丹吐渾等直歸聖至懷愛龍神衛判員至廣
德都頭副都頭六軍唱探副都頭以上開封府步軍副都頭及諸司軍使
副都頭以上紫官施衫子御輦院供御輦官以上車子院將虞候紫平施
衫子外仗作坊前宿直者軍頭司承局御輦院下都輦官車子院官健紫
南袖衫子凡增立諸軍並準親名頒第第給之凡在京諸色人中書堂後
官樞密主事二事准公服小絹汗衫前諸司使二事羅公服絹汗衫翰林
天文知曆并御書御詔翰林醫學書藝書直學學御書祇候前防禦團練
副使當直奉職以上宣詞令左右軍巡使中書主事諸鎮節度進奏官教
坊使司公服中書錄事守當官以上樞密院今史書令史宣徽院前行三
司孔目官教坊副使色長監承進司高品學士院書詔孔目官客省行首
勾押官紫羅寬衫樞密院雜事承進銀臺司貼房三司勾覆官以上宣徽
院後行客省閤門承受諸州進奏官檢校院糾察題舉司府吏後行以上
秘閣典書翰林醫人紫羅寬衫明御禮賓院客省軍頭司譯語御輦院專
典提舉司貼司紫官施衫子秘閣楷書御輦院曹司乳酪匠學士院親事

皇親二字
正寫

官皇城操銓庫子紫平衫子內衣物庫專典二事小綾背子絹汗衫軍
頭司勾押官以下黃絹汗衫其品目均者準此餘以青絹袖赤黃平雜布
衫袴黃絹等第給之凡十月一賜服二府宰臣至同簽書樞密院事親王
三師三公使相東宮三師親文殿大學士僕射宣徽使殿前都指揮使至
步軍都虞候節度使駙馬都尉皇親正任團練使以上寬對衣五事紫潤
羅夾公服天下樂章錦袍寬袍小綾汗衫勒帛熟練綾夾袴新綾任職察
使者方給潤羅皇親選刺史以上並同正任團練使推後四賜寬錦袍舊
式刺史以上並同親王東宮三少尚書三司至權發遣使公事觀文殿學
士至樞密直學士內客省使紫潤羅夾公服簇四賜寬錦袍小綾汗衫勒
帛熟練綾夾袴舊式尚書同玉印兩使留後觀察使四廂都指揮使皇親
大將軍將軍諸司使忠佐領團練使紫羅夾公服川錦寬袍小綾汗衫
勒帛大綾夾袴舊式簇四賜錦統軍上將軍防禦團練使刺史皇親諸司
副使止事紫羅夾公服罕七細錦寬袍小綾汗衫勒帛大綾夾袴御史
中丞閣直學士官觀判官紫羅夾公服罕子大錦寬袍小綾汗衫勒帛
大綾夾袴舊式知通鑑銀臺司勾當三班知審判判檢院准此常侍賓客
丞郎給諫舍人知制誥待制御史監祭酒詹事三司副使至權發遣公事五

平羅夫公張駿大袍壯小綾汗衫勒帛大綾夾袴舊式三司副使同官
觀判官延福宮使景福殿使五事紫綢羅公服紫線綾夾袴舊式同觀軍金
吾大將軍紫羅夾公服紅縷魚鱗袍小綾汗衫勒帛大綾夾袴舊式同觀
軍少卿監知雜司業庶子謝德郎中橫行使宣慶宣政昭宣使樞密承旨
至諸房副承旨大將軍諸司使入內內侍省都知押班羅夫公服小綾汗
衫勒帛大綾夾袴舊式三司判官判勾准此知雜同員外郎內侍省都知
入內都知副都知同橫行副使內侍省副都知押班入內押班同通事舍
人起居郎至著作郎三院御史員外郎少詹事率更令博士三丞大理正
以上橫行諸司副使將軍皇親率府率副率樞密院逐房副承旨羅夫公
服小綾汗衫勒帛大綾夾袴舊式以上同諸司使殿直以上同副使通事
舍人承旨崇班率府率副率少羅夫公服小綾汗衫中允至洗馬尚藥奉
御至五官正三司副使臣京官任在京職事者羅夫公服縷汗衫今選
人衣館閣職任同舊式京官任親王諸官者祖無汗衫幕職州縣官三班
使臣任在京職事當賜者止羅夫公服縷門看班軍巡使以紫絳縷袞
為差內侍兩省使臣內常侍供奉官紫羅夾公服小綾汗衫入內殿頭至承
華管司內侍殿頭至黃門紫絳大綾縷袞祇候高班內品至入內內

品紫花袍綳袂欄入內貼祇候內品至後苑散內品紫小綾綳袂欄率班祇候紫乾色大綾綳袂欄舊式內常侍同
宣聖舍人內侍並紫人綾綳袂欄殿頭以上帶器械紫羅綳袂欄凡諸軍
捧日至號騎軍都指揮使諸班御龍四直選都都虞候忠佐馬步都軍頭
及選都副都頭率七細錦綳袂欄不選都副都頭頭為式方諸宜男細錦
綳袂欄不選都諸班及御龍四直內員僚直捧日至神衛軍都虞候諸班
至員僚直及殿前散直行門鈞容直指揮使忠佐步軍副都軍頭以上開
封府馬步都指揮使並雲屬細錦綳袂欄拱聖神勇號騎雲騎武騎宣
武龍猛雄武虎翼吐渾廣備渤海號勝寧朔都虞候捧日至神衛及員僚
直指揮使師子大錦綳袂欄拱聖至寧朔及順聖衛歸聖奉節廣德効
忠馬直步直威虎雲捷教駭伴飯騎御馬內員僚直龍神衛判員指揮使
捧日至神衛御龍四直員僚直神勇吐渾渤海副指揮使忠佐都虞候開
封府馬步副都指揮使供奉官以下權管軍者方格練鵠錦綳袂欄飛猛
橫塞神威宣効威猛師明雄武指揮使紅團花大錦綳袂欄諸軍副指揮
使勇捷歸化順聖清塞忠節橋道保寧指揮使大軍搭材都虞候開封府
馬步都虞候以上紅團花中錦綳袂欄大軍廂虞候紅團花中錦綳袂

欄殿前及行門都知紫地紫花遶身執正綽旋欄內殿直散候散指揮
使散都頭散員東西班金槍龍旗內員僚殿前散直外殿直都知皇城都
虞侯紫羅錦旋欄內殿直至外殿直及殿前行門副都知鈞容直招箭班
都知副都知諸班直押番押班皇城等諸司都虞侯紫乾色大綾綽旋欄
內殿直已下及殿前節級十將捧日以下軍使至都頭員僚直行首押番
伴飯騎御馬都使副兵馬使勇健至保寧副指揮使六軍指揮使軍頭司
都指揮使至副都頭鈞容招箭押班東西班小底披帶殿侍開封府本城
指揮使皇城諸司等指揮使忠佐軍使副兵馬使紫大綾綽旋欄御龍弓
前弩手長行紫花綽綽旋欄東西班下茶酒殿侍之內宿者內員僚鈞容
殿前散直長行紫川大綾綽旋欄諸軍都頭副都頭以上內員僚員僚契
丹女直等長行軍頭司散副都頭以上教駁喝探伴飯軍使副兵馬使是
城等諸司副指揮使至副都頭紫小綾綽旋欄玉清昭應宮雜役十將早
紅綽旋欄牛羊司放牧軍士外伏作坊前宿直長行黃綽綽旋欄凡增立諸
軍各處召司等第略之凡在官諸色人前任防禦使至刺史羣乞細綿旋
欄供奉官以下皇城內監庫務及騏驎牧監文思院者二事雖公服小綾
汗衫翰林天文知曆算御書待詔翰林醫官醫學書藝書直藝學御書祇

候樞密主事中書堂行官主事學士院錄事公服教坊使紫羅綿旋欄
中書錄事至守當官樞密令史書令史三司孔目勾押官紫羅寬袍前諸
司使教坊副使至色長紫乳色大緩綿旋欄宣詞令左右軍巡使供奉官
以下當直者節度使進奏官松閣典書三班監左藏庫文思院門及進奏
店宅務者教坊都知紫大緩綿旋欄樞密院雜事承進銀臺司貼房宣徽
院後行以上三司勾押官松閣指書客省閤門承受學士院書詔孔目官
諸州進奏官自禮賓院譯語軍頭司押司官檢鼓院糾察提舉司府史
後行以上翰林醫人天文院節級御筆官節級以上紫小緩綿旋欄司天
節級天文院學生理檢院令史秘閣通進銀臺司親事官契丹譯語大內
鑄匙庫子乳酪匠御筆下都輦官車子院官健早細綿旋欄軍頭司承局
以上儀鸞卓帳匠黃絹綿襪具品目均者準此餘以赤黃細綿襪早絹綿
衣綢絲子二宜細縵子絹大袴等第給之凡賜外任初冬衣襖使相節度
使兩使留後觀察使五事革錦旋欄大緩箭子大袴小緩汗衫新帛尚書
管軍四相節指揮使以上及知益州五事次革錦綿旋欄餘同觀察使學
士直學士丞郎及知并州三事次革四事細綿旋欄小緩汗衫大緩大袴給
諫舍人待制橫行使以上岸七細法錦綿旋欄防禦團練使及正刺史知

州省制仙牡丹細錦絳衣欄若仕總管鈐轄者及他官知廣州等賜三事
羊七知法錦絳衣欄小綾汗衫大綾大袴等選郡諸司使及益州鈐轄才
張宜男細錦絳衣欄益州鈐轄仍加小綾汗衫諸司使橫行副使副都軍
頭以上並絳雲鴈細錦絳衣欄大卿監至陞朝官諸司副使至供奉官入
將軍至將軍內侍至高品以上紫駁正綿絳衣欄大聖年後改用紫羅京官
侍禁至借職醫官及幕職知春州紫駁色大綾綿絳衣欄河北河東陝西都
轉運使舊亦止賜紫駁正紫德元年賜方勝練鵲大錦絳衣欄其溪洞判
史側仙牡丹細錦絳衣欄溪洞知州方勝宜男細錦絳衣欄溪洞都巡檢
使及陝西沿邊巡檢蕃官供奉官以上方勝練鵲大錦絳衣欄溪洞首領
及陝西沿邊蕃官刺史以上知唐龍鎮紅團花大錦絳衣欄溪洞義軍指
揮使及陝西沿邊巡檢蕃官侍禁以下知豐州紅團花中錦絳衣欄溪洞
義軍副指揮使及蠻界邊寨指揮使把截寨將以上紫小綾絳衣欄凡外
任通判都監監判巡檢駐泊知城寨以上皆賜荆南杭益州監臨物務及
真州推貨務雄州植場泗州守橋府界批賊巡黃汴河皆賜之駐泊就糧
也駐本城諸軍巡檢隨行者皆降勅書示諭第賜衣襪凡誕聖節賜服
二府軍臣至同發書樞密院事親王三師三公使相東宮三師觀文殿大

學士僕射宣徽使殿前都指揮使節度使副都指揮使節度使皇親遙刺

史以上六事紫羅公服紅羅綉襖抱肚小綾汗衫勒帛熟線綾夾袴舊式大綾夾袴東宮三師僕射無槍掛馬部尉任觀察使以上准此東宮三

少尚書三司使至權發遣使公事觀文殿學士至寶文閣直學士中丞宮

親副使五事紫羅公服綾繡抱肚小綾汗衫勒帛熟線綾夾袴舊式大

綾夾袴同直學士無綉羅公書同丞郎殿前都虞候至步軍都虞候內客

省使延福宮使景福殿使五事同節度使而無槍兩使留後觀察使四廂

都指揮使皇親大將軍將軍忠佐領團練使紫羅公服紅羅綉襖抱肚小綾

汗衫勒帛大綾夾袴舊式同步軍都虞候雅無綉羅金吾上將軍舊式同

僕射上將軍統軍同留後常侍賓客丞郎給諫舍人知制誥待制御監宮

觀判官三司副使至權發遣公事祭酒詹事更令防禦團練使刺史皇

親諸司使副使大將軍司留後雅綾繡抱肚舊式知審官院準此大將軍

同統軍少卿監知雜司業庶子諭德少尹郎中橫行使宣慶宣政昭宣使

樞密承旨至諸房副承旨諸司使將軍入內都知押班皇親殿直以上羅

公服小綾汗衫勒帛大綾夾袴舊式知雜司員外郎兩省都知並準此押

班無勒帛起居郎主著作郎三院御史員外郎少詹事博士大理正以上

率府率副率橫行諸司副使樞密使選房副承旨三事羅公服小綾汗衫
勅帛通事舍人承制崇班羅公服小綾汗衫中允至洗馬尚藥奉御至五
宮正閤門祗候三司勾當使臣京官任在京職事者羅公服額汗衫奉職
州縣官者給綬職任者單此舊式三司推官巡官並同京官綬修校勘者
止羅公服幕職州縣官三班使臣任在京職事常賜者止羅公服內侍兩
省使臣內常侍同崇班供奉官及寄班羅公服殿頭至黃門並紫羅窄衫
入內祗候殿頭並從從散內品紫官袍窄衫舊式當直奉職內侍帶器
者並羅公服內常侍加小綾汗衫小底以上並紫羅窄衫四
內品紫羅官袍窄衫四條凡諸軍捧日至驍騎軍都指揮使諸班及殿前
指揮使御龍四直選郡都虞侯御前忠佐馬步都軍頭副都軍頭五事羅
公服綾綉袍壯小綾汗衫勒帛大綾夾袴諸班直入內員僚御龍四直不
選郡都虞侯指揮使鈞容行門散直指揮使忠佐步軍都軍頭以上五事
同選郡都虞侯並同汗衫開封府馬步都指揮使四事同都軍頭惟小綾
汗衫拱聖至寧朔都虞侯捧日至神衛及員僚直指揮使殿前都知伴飯
指揮使四事羅公服額汗衫小綾勒帛大綾夾袴開封府馬步副都指揮
使三事羅公服小綾汗衫大綾夾袴拱聖至寧朔及雲捷雄武指揮使捧

日至神衛員僚直副指揮使殿前副都知內殿直至外殿直及鈞容招箭
班都知三事同馬步副都指揮使惟顯汗部內殿直以下副都知御龍都
頭三事羅公服綳計衫小綬勒帛皇城司都虞候二事羅公服小綬計衫
拱聖至寧副都指揮使搭材都虞候教駿至騎御馬指揮使伴飯副指揮
使二事羅公服綳計衫忠節至廣德指揮使教駿至騎御馬副指揮使御
龍直副都頭殿前及內殿直以下押班內員僚直行首副行首龍神衛刺
員保寧指揮使副指揮使伴飯軍使紫羅公服捧日至虎翼軍使副都頭
以上御龍內員僚員僚直押番以上鈞容直都部頭軍頭使散兵馬使以上
忠節搭材副指揮使紫羅寬夫四綬招箭押班行門殿直皇城等諸司都
虞候紫羅大旋欄皇城等諸司副指揮使以上法酒庫都頭以上教駿騎
御馬副兵馬使以上紫羅寬夫四綬御龍直骨朵子內殿直至金槍直行
門天武官軍頭司副押班副都頭以上宮觀雜役副指揮使內宿殿侍招
箭殿侍鈞容直紫花袍寬夫四綬御龍弓箭直內員僚至員僚直教駿
至喝探副兵馬使以上諸軍諸司副都頭以上契丹女真渤海軍頭至長
行紫官袍寬夫四綬樞密院大程官副都頭以上外仗作坊前宿長行紫
南紬窄四綬凡增立諸軍各准視名額等第給之凡在官諸色人諸鎮進

奏銜內指揮使四事同諸司使樞密主事_{中書堂後官主事}諸州進奏衙
內指揮使三事同素班翰林天文知曆算御書待詔翰林醫官醫學書藝
書直學士御書院候左右軍巡使左藏監門奉職諸州進奉判官節度使
進奏官禮直官副禮直官學士院錄事_{公服}教坊使副使_{紫羅寬衣四}
機小綾汗衫監丞進司內侍諸州進奏官諸州進奉軍將以上_{中書守當}
官樞密書令史以上學士院孔目官宣徽院後行三司孔目官客省閤門
勾押官以上教坊色長以上_{紫羅寬衣四機}諸州進奉人樞密通進司雜
事客省閤門承受_{紫羅窄衣四機}客省禮賓院譯語_{紫官袍窄衣四機}三
司勾覆官以上尚衣庫專典小綾背子絹汗衫軍頭司承局以上_{絹汗衫}
其品日均有准此_{餘以紫花平施等給之}太祖建隆元年二月長春節賜
群臣衣各一襲十月始賜宰相樞密宣徽三司使端明翰林樞密直學士
見任前任節度觀察防禦團練使刺史諸軍列校冬服有差_{郎國長史}建
防將士遣使就賜之三年十月始賜文武常參官冬服先是累朝以來止
賜將相翰林學士諸軍大校至是太祖謂侍臣曰冬服不賜百官甚無謂
也遂并賜之太宗太平興國二年十月賜百官諸軍校百夫長以上冬
服有差將校之在外者及藩鎮州郡悉遣賁以賜之自是歲以為常 九

年五月又賜文武臣僚時服 真宗景德元年九月賜河北河東陝西三路轉運使副方勝練鵲錦袍先是河北轉運使劉綜言每歲朝廷遣使賜邊城冬服諸軍將校皆錦袍惟轉運副使止頒皂花歌正拜賜之際頗用厚顏故有是命 大中祥符三年九月詔自今每遇節賜臣僚喫食令內侍省差使臣就御厨先點檢精細即付客省宣賜若有不堪便回換仍具以聞 八年五月三司言端午合賜臣僚時服以禁節經史編排未得帝以時服不可後期仍令先給諸軍班及賜內侍 九月詔同王清昭應宮副使戶部侍郎林持給事中知制誥同知審官院錢惟演冬服並依學士例給錦袍時自三司使後惟演等知通進銀臺司因上言政給之又詔賜注輦使冬服錦袍 次方服宜男錦副使盤球雲鴈錦判官方勝練鵲錦仍賜八節漆羊法酒天禧二年四月上封者言歲遣使臣賜府州蕃郡冬衣悉召蕃部面給之其使臣頗成留滯望令麟府州駐泊石知顯及知府州折惟忠受之納于公庫召蕃部給付冀免侵欺留滯從之 仁宗天聖元年四月詔自今三班使臣殿直以上雖未經差使見赴起居者並依例賜聖節公服未經差使不赴起居者不給仍令三班院勘會年小使臣及十五歲以上者令赴起居 九月詔知舒州秘書監李迪冬服特依承郎例

支 二年二月殿中丞李正緒請止絕皇親陳乞骨肉班行充 賜外郡
衣襖詔自今凡差衣襖使其內出姓名者具知委結罪狀以聞 三年正
月詔裁造院自今所造賜臣僚衣服除端午十月一升時傳宣依舊造成
送納外長寧乾元兩節並只料段支如欲請造成者亦聽 四年八月上
封者言伏見每歲賜外郡中冬衣襖舊例差翰林伎術官押賜近年皇親
多陳乞骨肉或諸司使副閤門祇候京朝官亦充此使頗聞張皇過求事
例欲望降勅止絕庶免搔擾州郡樞密院請下逐路轉運使覺察如有違
犯且職位姓名實封聞奏仍每遣使先取知委文狀從之 五年九月詔
自今無得差朝臣押賜諸路衣襖仍令御史臺於朝堂榜諭時上封者言
虞部員外郎李文晟國子博士陳宗憲充逐路依散衣襖國家每歲遣使
衙官將命賜服實欲同其闕乏固不責於廉隅近年以來或差戚里及班
行使臣已為失體今文晟宗憲各居朝列豈可與伎術之輩爭利僭求伏
乞特行追寢故有是詔 七年四月三司言準詔以賜臣僚中冬衣內紫
羅披襖袖節窄狹緣款正限絲三十兩紫羅限絲二十五兩款正雖重而
不及羅今勒工匠計料每領添羅絹六寸製造從之 七月三司言每歲
賜諸路州軍文武臣僚軍員中冬衣襖自京差驢騾駝兵士等般赴逐

處費用勞擾欲乞下三京諸道州府軍監每年預先計度染練匹帛依降下名件尺大就使製造條帳收管只差降使臣賞詔敕至逐處取索賜予具數申奏照會除破如無物帛染練裁造不得處即申轉運司於鄰近州運製造赴本處或因上京衙前請領附帶往彼其合支細錦對衣處即令使臣將帶往彼仍自來年十月一日為始從之三司又言今行條件內衣襖每領用綿八兩天下每年約支一十九萬餘兩今並以本處係官綿支賜如願請價錢每兩不得過八十五文其逐色錦旋欄令諸州軍每年春初預具本處其年見管臣寮使臣軍員合支賜諸色錦衣襖數目因便綱差人運膏狀上京計會般請回州凡天下州軍約支錦色數目盤球暈錦十六領方勝宜男細錦二十五領翠毛細錦二十六領倒仙細錦一領盤毬雲鴈細錦六十二領簇四鵬兒細錦四領黃獅子大錦五十七領以上並在京畿方勝鍊龍大錦二百二十四領青州織紅團花大錦五百五十五領真定府織紅團花中錦千二十二領在京及真定府織青荷蓮錦三十三領在京織黃花錦七十四領西京及真定府織紫色羅及大小綾及絹等並令逐路就有物帛州軍供造仍從京封降逐件中等大尺襖樣各一領并所破物帛尺寸及收剝子片數則例下逐州軍監永充式樣裁造

支賜紫羅旋欄每領羅三十五尺八寸絹三十五尺五寸紫乾色大綾旋
欄每領綾三十四尺六寸絹三十三尺七寸半紫乾色大綾旋欄每領綾
二十七尺五寸六分絹二十七尺三寸半紫乾色小綾旋欄每領小綾二
十八尺六寸絹二十七尺三寸半如有願請衣服段子者乞依例折除下
列子支與下項若或有請價錢者勒本州軍估計見賣價例如本處價與
在京今來降去錢數不等即令就小價支給其紫羅及紫乾色光色大小
綾旋欄各除折列子表裏自四尺八寸有畸至二尺二寸凡四等外若支
價錢即各并綿八兩共估錢自五貫四百八十至二貫三百八十九等
餘並準所起請支給從之仍令諸州軍今後如有不依本官合破色額物
帛越外懷還上好綾羅及曲要添料加功織染大破錢絲染色并不依官
定尺寸收附列子及所支價錢處有虛支大破官錢其所犯人並當嚴斷
九月上封者近年差使術人賜諸路衣襖徒各伴門固無賞勸欲自今
除皇親不差外以先朝忠義勤勞之家妻的貧困子孫并久在閤門祇候
宣贊不出外任臣僚與使術官相兼差遣仍須自朝廷選差不得自有陳
乞違者勘罪嚴斷從之